

O MWAMI, ACIMBI

BUYO CIINDI

 Mwabuka kabotu, beenzuma, na masikati mabotu. Nda jaya wacci lyangu, Nse konzyi kuziba ciindi mbo cibede. [Ii mukwesu waamba, "Cicili cifumo, mukwesu."—Mul.] Ucino cifumo, embo na? Yaa.

² Kunze, tu pona mu Butamani. Ta tujisi ciindi. Kugola kwa ciindi kwakaima cindi Jesu Kristo naka ndipa Buumi Bwakwe mukati kangu, kuponena kuli nkuko, aboobo tulili zilenge Zitamani ndyoonya lino, kabakkede antoomwe mu masena Aakujuju muli Kristo Jesu. Ino nciindi!

³ Lino obu mbuzuba bwangu buyo bwabili awa a ndinywe, pele, ma, kuli mbuli molasesi ciindi ca kuseeni, ula lema loko a kubota. Nseni botelwa limbi mu muswaangano uuli oonse. Elyo Ndi langide koonse lino, masiku bali syankene maningi cakuti Nse konzyi kubona muntu, pele sunu Nda konzya kulanga koonse. Nda kajisi coolwe ca kusukana maanza a cikama eci cibotu ca bakutausi mu nkamu eyi okuno.

⁴ Nda yeeya mudaala wakali kusika ku mbungano yesu, wa zina lya John Ryan. Mwaalu Ryan, baka mwiita. Wa kali kuzwa ku Dowagiac, Michigan. Elyo wa kali kukambauka aniini, elyo mpawo kuzuza kusule a kusukana janza lyangu. Elyo mpawo wakali kunga wakambauka aniini, a kuzuza kujoka a kusukana janza lyangu. Nda kati, "Mukwesu Ryan, Nda—Nda lumba eco, pele Nse—Nse mwvisyi bupanduluzi bwa kaambo nco cicitila."

⁵ Wa kati, "Cindi bbatili lyaceya mulilo, Nja ndika kuliccaja, aboobo Nda ccajwa cakumaninina."

⁶ Nda kabona buyo i—i mukutausi wa Methodisti kuzwa kutala mu cisi cangu, oyo wakazwaa kutambula Muuya Uusalala, nkabela Nda kamubbizya. Nkekkecede awa ku lumwensi lwangu, Mukwesu Junior Jackson. Nda kamubona kazungaanya maanza akwe mbuli boobo, kubaanga nku ndiyeezya Mukwesu Ryan. Mbangaye bayeeya kuti ba Methodisti taba konzyi kutambula Muuya Uusalala? Wa lubizya. Koimikila, Mukwesu Junior Jackson, walo a mukaintu wakwe mubotu okuya. Bazwa kumusanza mu Indiana okuya, mukutausi wa Methodisti.

⁷ Uli kuli Willard Collins? Sena uli mu buyake cifumo cino? Uli kuli, Mukwesu Willard? Ndali kuyeeya kuti waliko awa. Mukutausi umbi wa Methodisti wiimvwi awa, ikuti na toyeeyi kuti ba Methodisti inga batambula Muuya Uusalala a kubbibizigwa lwabili. Koimikila, Mukwesu Collins. Kuli umwi

umbi. I mukwesu wakali kutala ku Asbury College ku Wilmore, Kentucky, uuzwa ku ntalisyo mbotu ya Methodisti.

⁸ Lino kuli bantu bamwi banji bali a ndime awa, abo—abo bakaseluka. Nda kabamvwa kabaamba “ameni,” elyo Ndi lizi nkobali, pele Nse konzyi kubabona. Mukwesu Fred Sothmann uuzwa ku cikombelo ca ku Jeffersonville. Fred, sena nduwe a Mukwesu Tom kuno? Nda syoma Nda mumvwa kaamba, “Awa.” Abusena awa mu kkona, inzya.

⁹ Tuli kkomene loko kuzibya bantu aba. Ta ndiboni ncobeni ku ciindi eci, antela kuli banji kuno abo mbe Ndi tazi. Ndi yeeya kuti Mukwesu Jack Moore wakasika buyo mu kukanana. Elyo—elyo aboobo aba mbantu babotu, nkabela tula bayanda.

¹⁰ Elyo lino cali ciindi cibotu loko cakuba kokuno. Nda kati kuli nguwe, “Mukaintu,” mukaintu wangu, Nda kati, “yebo—yebo weelede kuti waboola kunseleno mu muswaangano oyu.” Tula syoma mu muswaangano wa pentekoste waciyanza cibotu cakaindi. Tula syoma, kuti awo ali bulubusi mu Muuya wa Leza, kuti zibeeela zyoonse zyandeene zya tubungwe inga zyaboola antoomwe a kukkala antoomwe mu masena Aakujuju, mbuli mbungano. Kwiimpana kwesu taku bambi lwandaano okuya, cindi notuli muli Kristo, tuli kunsi lya Bulowa a mu luswaanano lwa luyandisyo Lwakwe.

¹¹ Elyo Ndi yanda kwaamba eci ku nkamu eyi ya bakutausi. Nda—Nda kaboola mu Pentekoste kuzwa ku Missionari Baptisti, alimwi Nda kabotelwa Pentekoste. Balo mbantu bangu. Nda bayanda. Ikuti na Nda kayeeya kuti kwakali mbungano imwi imbi iluleme kwinda eyo, inga Nda ba ku mbungano imbi. Pele Ndili a Pentekoste, nkaambo Ndi yeeya kuti ncintu cili munsi loko Nce bona ku Lugwalo. Ikuti na Nda kalizi cintucimwi cimbi, inga Nda ba a mbabo; elyo aboobo, kutali kuubaula buzumini bumwi bumbi, pee. Pele kaambo Nce yeeya Pentekoste, nkaambo cili munsi loko kuli eco Nce yeeya kuti nca Malembe, kwiinda eco kufumbwa cintu Nce zyi.

¹² Elyo kuli cintu comwe cibotu loko mu muswaangano oyu wabaiminizi, eco Nce kabona, abo, banakazi ba masyu aasalala; taakwe kulpenta oko, nywebo mulizi, na kufumbwa mbo mwiita zintu ezyo. Nse ciyandi eco. Eco ta ceelede kuba Banakristo. Huh-uh. Mbo mbubo. Nda—Nda ciyanda eco. Ndili cikolo ca ciyanza cakale eco ciyanda bulondo, nywebo mwabona. Ndi yanda kubona banakazi... Nywebo mulizi, Ta ndaambi...

¹³ Obu tabuli busena bwa kwaamba cintu cili coonse, kudana a kusanka cisetekene, ku kwaamba boobo. Pele Ta ndaambi eci ku bupanduluzi obo. Obu tabuli busena bwa ceeco.

¹⁴ Akwalo, ndelili nyoonse nimwa kajana cintu eci? Eci cakazwa ku cikombelo cangu, ciboneka mbuli. Cila cita ncobeni. Sa mbo mbubo, mbungano? Sa eco tacilibonya mbuli

cikambaukilo cakale? Ee, Ndi yeeya kuti Mulumbe nguonya wakaindi ngo tukambauka awo ulaunka kuli nguwo, nekuba.

¹⁵ Aboobo nywebo mulizi, kuli mwanakazi omwe biyo mu Bbaibbele oyo wakapenta busyu bwakwe. Elyo taakwe naka penta busyu bwakwe ku swaana Leza. Waa kapenta busyu bwakwe ku swaana muntu. Mbo mbubo. Nywebo mulizi eco Leza nca kamucitila? Kamusanina ku babwa. Aboobo cindi wabona mwanakazi kasama misila, yebo wati buyo, "Wabuka kabotu, Muka Nyama ya Mubwa." Obo mbombubo mbocibede. Eco ncibyaabi, embo na? Pele nce ncico Leza nca yeeya kujatikizya ncico. Walo ubambilidwe buyo mubwa wa banamaleya nkambo ka babwa bamusokwe. Eco citandila kuba obo mbwabede. Bamwi aba baumpe ba musokwe baunka koonse, kabasiba, nywebo mulizi; eco nco baita kuti umpe, nywebo mulizi. Obo mbo cibede, nyama buyo ya mubwa alubo.

¹⁶ Ndili lumbide kuli ndinywe nobanakazi. Leza kopa luzyalo ku kujata ku meso aa ciingano, kozwa ku zintu ezi zya nyika. Nekubaboobo, tuli mu lweendo lwesu kuya ku Bulemu. Tuli basicisi nyina ba Bwami bumbi.

¹⁷ Ciindi cilamfu cakainda... Ndalii kulanga buyo koonse ku bbunga kubona ikuti na Nda konzya kubona umwi wa bantu, alimwi abo mbe bamwi beenzuma basiya, Bantu basiya. Nywebo mulizi, ciindi cilamfu cakainda, kumusanza okuno ku Musanza, bakali kubamba bazike kuzwa kuli mbabo. Lino, Ndili muna Musanza. Elyo kuli cintu comwe Nee yanda kwaamba kujatikizya mbabo, Ndi lombozya kuti Nda konzya kwaambaula kuli Martin Luther King. Oyo muntu, mukuba Munakristo, tazi kuti usololela bantu bakwe moonya mu kooze ka lufu, oko kuyooba bali mamilioni babo baka jaigwa. Mwabona? Uli lubide.

¹⁸ Nda bayanda bakwesu bangu, basiya bakwesu bangu. Ne takaba mu Africa a koonse, kukambauka kuli mbabo, ikuti na Nse kabayanda. Balo mbantu ba Leza, mbubonya mbo tubede. Pele Nse syomi kuti... Oyo muntu, kunsii lya ceeci, uyo citya biyo banji, banji, bunji bwabo kujaigwa. Mpawo ciyo talika lucinco lupati alimwi, olo talu kacovwaila kuzwa ku bantu anselelo awa. Aboobo tabali bazike. Bali jisi lwaanguluko lunji mbuli muntu uuli oonse umbi. Balo, ikuti na bakali bazike, inga Nda ba ku lubazu olo. Pele tabali bazike.

¹⁹ Nku kaambo buyo kakuti bayanda kuya ku cikolo. Bali jisi zikolo. Aba unke ku cikolo. Mbo mbubo.

²⁰ K ali okuya, yeeya oyo mukwesu mudaala uusiya kaimvwi, ooko kuseeni, mu kupapila oko. Wa kabuzya impi ikuti na wakali kukonzya kukanana. Wa kati, "Nse kafwa nsoni kuba muntu usiya. Mubumbi wangu waka ndibamba kuba muntu uusiya. Pele cifumo cino, Nda usa nsoni nzila mukowa wangu mbo ulilemeka. Ino balo bantu bacita nzi kuli ndiswe? Cakali cibotu biyo kuli ndiswe."

²¹ “I mwanakazi mukuwa,” wakabuka a kuti, “Nse yandi bana bangu kuyisigwa ku mwanakazi mukuwa,” kati, “nkaambo ba...ta kabbadeleli i—i kuyandisy, tola kuyandisy mu bana bangu mbuli mwanakazi uusiya wakali mu mukowa wangu wini.” Kati, “Okuya, amulange ku zikolo zyesu. Bali jisi maziba akusambilia. Bali jisi zikolo zibotu a zintuzyonse. Nkaambonzi nco tu yanda kuunka ku zikolo zyabo?” Mbo mbubo.

²² Nda syoma kuti Leza ngu Leza wa—wa, ee, inga Nda amba kuti Ngu Leza wa misyobo yandeene. Ula panga malundu mapati a malundu maniini. Ula panga lukula. Ula panga zisaka. Ula panga mukuwa, muntu usiya, muntu usubila. Ta tweelede kukosola ceeco. Ciba cakatintanisigwa. Elyo kufumbwa cintu cakatintanisigwa tacikonzyi kuli zyalulula cini. Mu kanyonganya mukowa wa bantu. Kuli zintu zimwi zjikizya muntu usiya ezyo mukuwa nzyata jisi akwalo mu bube bwa bupange. Ii muntu mukuwa lyoonse uli mukulibilika a kulibilika; ii muntu uusiya uli kkutilide mu ciimo mwa bede, aboobo taba yandi zintu ezyo.

²³ Pele kaindi mu ciindi ca bazike, bakali kusambala bazike, bantunsi, mbuli ku busena bwa kusambalila, mbuli mbo bakali kucita mu bbali ya myootokala yaka beleka kale. Kwakali sikuula wakasika, kwiinda mu cisi, nkabela wa kali kubaulila, a kuunka kuyo basambala a kupanga mali ali mbabo, mbuli buyo mbo konzya ku mootokala wakabelaka kale na cintucimwi.

²⁴ Takali mabambe aa Leza! Leza wakapanga muntu; muntu wakapanga bazike. Umwi taelede kweendelezya umbi. Twe elede kupona antoomwe mu lukamantano a luumuno.

²⁵ Elyo oyu muntu wakasika ku mpulasi yakaindi. Walo—walo uyanda... “Mbangaye bazike mbo jisi?”

Kati, “Ii mwaanda na bainda.”

²⁶ Wa kali kubalanga okuya, nkabela wa kacitika kuziba, kwakali muzike omwe akati ka bantu abo... .

²⁷ I bazike baka luuside. I Bamsbbunu bamu Africa baka jata bazike, baka baleta kuno a kubamba, a ku basambala. Elyo ba kalizi kuti tiiba kajokela ku nyika yakuzyalilwa. Ba kalizi kuti bakali okuno ku buumi bwabo boonse. Inga noba takabona bana babo alubo. Inga noba takabona taata a baama. Ba kali okuno ku ciindi coonse, nkabela baka luuside. Elyo bakali kunga akwalo babweza mikkwilo, a kubauma, kubacitya kubeleka. Elyo aboobo bakacita kubabamba kubeleka, nkaambo teeba kali kuyanda kubeleka. Ba kali nyongene koonse.

²⁸ Oyu sikuula muzike wakalanga okuya. Elyo wa kajana akati ka bazike aba, kwakali mulombwana umwi mukubusyi. Teeba kali ku munabba pe; kaango kadukumene, kalezu kanongomene, kaujisi kubeleka. Elyo sikuulila bamwi wakati kuli mukamwini wa bazike, kati, “Ndi yanda kuula oyo muzike.”

Kati, "Tali wa kusambala."

Wa kati, "Walo uboneka kuba wandeene kuzwa ku bazike bambi."

Kati, "Mbwa bede."

²⁹ Kati, "Ncinzi cibamba lwandaano? Sa ngu simalela kuli bamwi babo?"

Wa kati, "Peepe, peepe. Walo muzike buyo."

³⁰ Kati, "Ndiza umusanina bwandeene kwiinda mbo citila bamwi babo."

³¹ Wa kati, "Peepe, ulida mu cilido abamwi bazike."

Kati, "Ncinzi cimubamba kuba waandeene maningi?"

³² Wa kati, "Nda kagambwa lyoonse obo, lwangu, mane Nda kaziba. Okuya mu nyika yakuzyalilwa, mu Africa oko nkwa kazwida, bawisi mwaami wa mukowa. Elyo kakutakwe kulanganya awo mpabede, ucizi kuti mwana wa mwaami, alimwi ulilemeka mbuli umwi."

³³ Aleluya! Ikuti na uli mwana musimbi wa Mwaami, nkokuti uta lilemeki mbuli inyika. Ikuti na uli mwana wa Mwaami, uta lilemeki mbuli inyika. Tuli, tu lizi kuti tuli bana balombe abasimbi iba Leza. Nekubakuti tuli waano mu inyika ya mudima wa lufu a buusu, nekubaboobo tu lizi awo lukono lwesu mpo lubede. Tuli bana balombe abasimbi iba Mwaami; kutali ii mwaami, pele i Mwaami. Atu lilemeke mbuli ncico.

³⁴ Ii kaindi kaniini kainda, kaambo Nce muka, musimbi muniini muna Etiopia kabamba kaanda, elyo Nda kabona kuti wakali kucita cintucimwi. Ndali kusola kulemba cibalo cimwi ca Lugwalo ku cintucimwi Nceli kuyanda kukanana. Nse booli kukanana buyo ku kumvugwa; Nda boola kwaamba cintucimwi eco ciyo gwasya mbungano, kucita lugwasyo lumwi. Elyo mpawo Nda kalangalanga, elyo mulindu oyu muniini waka zumanana kubaanga nku jatilila koonse. Cakugama waa kati, "Sa inga wandijatila, munene?"

Elyo Nda kati, "Iiyi, baama."

³⁵ Elyo waa kati, "Ba ndaambila kuti uli muntu ujisi luzyalo kumbele lya Leza, kuti cindi wa kombela balwazi, kuti Leza ulaingula mupailo wako."

³⁶ Nda kati, "Ta ingula buyo wangu, pele Ula ingula kufumbwa muntu uyo Mu syoma."

³⁷ Waa kati, "Nda ciswa, munene. Sa inga cazwa mu nzila eyo ikuti na Nda kulomba kuba a mupailo muniini kuli ndime?"

Kati, "Alo pee."

³⁸ Nda katanta kuli nguwe. Nda kakomba cintucimwi mbuli ceeci. "Mwami Jesu, myaka minji yakainda, cindi Ni wakali kukwela ciingano cakaindi cigalankene kutanta cilundu ca

musenga, akuya bukwela ndyato zya matende a maulu zya Bulowa bwakali kuselemukila kusule Lyako. Mubili wako, muniini muuba waka kompama loko cakuti Wa kawida kunsi lya mukuli. Kwakali umwi wakaimvwi munsi, wa zina lya Simooni, Muntu usiya, wa kabweza ciengano aku Ku gwasya kuciyumuna. Ngooyu umwi wa bana bakwe, cifumo cino, bacisidwe." Kutandila ciindi eco, caka citika. Mwabona? Ngu Leza wa mukowa oonse wabantu.

³⁹ Lino, beenzuma, muli bbunga bbotu boobu. Elyo mebo mukunjila kuzwa ku muunda, wa mamissioni okuya kutala, kumbele lya madaimona a bang'anga, abamwi bambi, muta yeeyi kuti taba kamuzundikizya. Ncibotu waziba eco ncoambaula cindi waboola kumbele lyabo. Pele kunsi lya ceeco, elyo mpawo kuboola awa awo mililo ya muunzi mpoili mukuyaka akati ka Banakristo, azimwi zimbi, ta muzi lwaanguluko mbo lubede ku muntu kwiima mbuli boobu. Ndi lombozya kuti Nda konzya buyo kukkanla kusule okuya mu bbunga a kumvwa bakwesu aba babotu bananikidwe kaba kambauka Ijwi, elyo Nda konzya buyo kutambika maanza angu a kulila, a koongolola, a kukomba. Elyo ino ii—ino ii—ino ncintu mbocibede, ku kasaala ku Mulilo. Ncintu cibotu loko. Pele kanji...

⁴⁰ Bakwesu bangu, Ndi jisi banji loko abo ba ndi yanda, alimwi bala ndilomba kukanana. Elyo nkikaako Ndi lizi, abo bakaita ku mulimo wa Mwaami, Nde elede kusola kubeleka ku bubotu Mbwe konzya, pele lyoonse Nda kali kweendelezya kwiinda ku kukkanla kwa ciindi cilamfu. Elyo Ndi lizi ulindila cisusulo cako, kali omuno kuzwa eiti okuloko cifumo cino, na cintucimwi, mu nkamu eyi ya bantu. Pele Nda yeeya kuti, kuboola masikati aya ku kanana kuli ndinywe kwa ciindi buyo cisyoonto, Nda lemba bulumbo bumwi awa, a Magwalo amwi, ayo Nge yanda kutondeka. Alimwi mu kucita ceeci, mu kuyeeya kuti mujisi muntu awa walo weelela loko kapati, a kwiitwa kwa Leza, ku bweza busena obu, kwiinda ndime. Pele lyangu nku kombela baciswa, kubona zilengaano, azimwi zimbi.

⁴¹ Elyo Ndali kwaambaula ku muntu umwi maminiti masyoonto ainda. Ikuti na mwalanga mu *Life* magazini, mweezi wainda, myuo bona awo... Elyo muli jisi teepu eyo. Nseli muntu uusambala mateepu. Pele ikuti na mwa kasola kusyoma Majwi ayo Nge kambauka, nkabela inga mwa konzya, amujane *I Zinamatizyo Zili Ciloba*, a lutaanzu kujana *Ino Nciindi Nzi, Baalumi?* Amuswiilile kuli ceeco ku kanana, myeezi ili cisambomwe kacitana citika. Elyo sayaansi yaszingwa. Kaiimvwi nkoonya kunsi oko nko cakali kucitika okuya. Elyo waka baambila, myeezi ili cisambomwe kakutanaba, nzila kuti kuyooba Baangelo bali ciloba mu ciimo ca bandakutema, a kuboneka mbuli piramidi, yakali kunga yawida ansi. Elyo inga Ndi noimvwi kunyiika ya Tucson,

Arizona, elyo kuyooba kuvuuma oko akwalo kuyo zungaanya myaala kuzwa ku malundu. Mukwesu Fred Sothmann kakkede kuya, oyo wakaimvwi andiswe, bunji bwabo, cindi nicaka citika.

⁴² Lino sayaansi yaka kkopa cifoto ca Nguwo, mwa Ubona, kazumanana Associated Press. Tii bakazi obo Mbo wakabede. Kuli Kkumbi lilengelela, mamaile ali makumi obilo acisambomwe kuya mujulu. Ayo mamaile ali kkumi aosanwe, na makumi obilo, aatala akwalo awo mudumo mpabede. Ta bazi coonse mbo ciyabuya, alimwi basola ku Ci langalanga. Elyo awo, nkoonya kunsi lya Nguwo, Nda kaliimvwi. Elyo abo Baangelo bali ciloba kabavuluma majwi abo, aa Zinamatizyo ezyo zili Ciloba, kabaimvwi alya. Elyo kamboni, botatwe besu, mbuli bumboni bwa zintu zya kasinsimwa aa teepu, Nobaalumi, *Ino Nciindi Nzi?* Elyo awo lino basola kuziba. Alo maseseke kuli mbabo.

Bamwi babo bakati, “Koya, koya, nkaambonzi toinki kuyo baambilila?”

⁴³ Inga caba buyo mbuli cindi Angelo wa Mwami naalibonya awa ku Houston, Texas, mu Mumuni oyo. Nda kaambilila bantu, “Buumi bwangu boonse Nda kabona Mumuni oyo.”

⁴⁴ I mbungano ili cizyi. Sayaansi ili cizyi. Nku, zintuzyonse zyeelede kupa bumboni cindi Jesu Kristo abamba mulimo. Nceeco we. I magazini, ikuti na muyanda kulanga muli ncico, ngo nguwe ujisi Rockefeller a mukaintu wakwe mupya kusule. Ndi yeeya kuti mu mutende wamu Kaandakanini imu *Life* magazini. Ngu Leza. Tu pona mu mazuba aa mamanino.

⁴⁵ Lino Nda boola cifumo cino kusola kubweza bulembu busyoonto awa, a zintu, ku kanana aa cintucimwi eco cinga cagwasya mbungano, inga cagwasya a bakwesu aba bakutausi, ku bikka makuko angu ku vwili a baalumi aba. Tuli babunyina, alimwi bala ndileta okuno nkaambo bala syoma mu mulimo nguwenya. Mwa kafutulwa kuciindi ca muswaangano oyu, nkaambonzi tobwezi bumembala bwako a amwi mambungano aya mabotu awa asyoma musyobo oyu wa mulimo? Bala—bala cisyoma, bala ima kunze lya ncico. Elyo Nda—Nda boola kuti inga twa bikka Lugwalo a ku cintucimwi eco cinga cagwasya mbungano.

⁴⁶ Elyo ciiyo cangu, mbuli, cifumo cino, nca ciimo eco Nce yeeya kuti mbungano ya Pentekoste mboibede ya buzuba obuno. Ino nkwiimikila aalimwi ino ndi oora nzi motwiimvwi, alimwinkuuli kukonzeka? Lino andi balulule eco alubo. Ino nciimo mbungano neoiimvwi mukati lino, alimwi ino nkukonzeka kukkalilila kumbele kuli ncico?

⁴⁷ Ndi yanda kubala kuzwa ku Lugwalo, ku cibalo, elyo Ndi yanda kubala kuzwa ku Bbuku lya Babetes, cipati 16, kampango ka 27 a 28.

Elyo ng'anda yaka zwide *baalumi a banakazi; a boonse bami bana Filisiti bakaliko; alimwi kwakaliko aa ciluli baalumi a banakazi bakali bali zyuulu zyotatwe, a kumubona Samusoni kuciindi nakali kusobana.*

Mpawo Samusoni wakaitila Mwami, a kuti, O Mwami LEZA, kondi yeeya, Nda ku lomba, . . . kondi yumya, Nda ku lomba, lomwe buyo olu, O Mwami, kuti Ndi kabe . . . lomwe kali kuliya nkoto kuba Filisiti nkambo ka meso angu obile.

⁴⁸ Ndi yanda kubweza cibalo kuzwa kuli ceeco, kuzwa kuli ceeco *O Mwami, Acimbi Buyo Ciindi*. Akube kuti Mwami alongezye kubala kwa Ijwi Lyakwe.

⁴⁹ Kweelede kuti akali ii—ii masikati mabotu, cintucimwi mbuli mbo tubotelwa sunu okuno ku masena a zilao ezi, okuno mu Hot Springs, Arkansas. Elyo kwakali kusekelela kupati kwaka zumanana, pele kwiimpana kunji loko kwiinda kusekelela mbo kubede sunu. Kwakali ba Filisti batandila ku zyuulu zyotatwe bakalangide ansi kuzwa ku mululwe, kuli obilo agambya ayo aka njila busena bupati bwabuleya, a basilutwe bampi bakalikulemekwa kapati antomwe a balindu babo bakasakatidwe malongwe abupaale boonse bakali kkede mu busena.

⁵⁰ Elyo mbuli mbo kwakabede kaindi, kwakali, oh, cintucimwi mbuli bowa obo bwakaliko, buyake bukkede aa misumpululu eyo yakazwa, cintucimwi mbuli ndiza musyobo wa architekiti wa architekiti, arc—architekiti. Elyo boonse aba ba Filisiti bakali bungene kuya, alimwi bakali bikka lwabo ku kicitika oku kupati. Elyo bakali mu kusekelela oku kupati, a meso oonse akayeeeme akati ka busena bwa misobano. Kweelede kuti bakaimikila, kuti bajane ii—ii kulanga kubotu kwakali kutandila kicitika.

⁵¹ Elyo lino mbuli mbo tukkede awa masikati aya, atu bone ikuti na tula konzya, a mizeeo yakuyeeyela buyo, kulibikka lwesu mu busena obo, kulanga aa cilao eci. Ncinzi nco tubona?

⁵² Kuboola, kuzwa akati ka busena bwabuleya, kwa kaboola mulombe muniini, kajisi janza lya muntu moofu, kali gunkula, kadadalika ambali. Ba kajisi zipekupeku zinji zya sokwe, a—a mancenjela masyoonto, azimwi zimbi; pele lino casika ku ciindi ca kicitika kupati, cintu eco ncoba kalindila kwa ciindi cilamfu loko, kicitika kupati kwa buzuba. makani akutalisya akali manide, mahoolo akali kulimvwisywa bukolwi bwa coongo akulya kwa butaka masika oonse. Nkambo, bakali kusekelela kuzunda kwa Dagoni, kaleza kabo ka nswi, atala lya bbokesi a cisyomezyo ca Jehova.

⁵³ Ino nkuboneka kuusya nsoni, mbuli mbo tukonzya kuyeyeeyela cintu cili boobo kicitika; wa kaleza ka nswi ika cisi ca buhedeni, kusekelela luzundo ku balanda ba Jehova, koonse nkaambo

ka kukakilwa kwa muntu ku kuzwidilizya zintu ezyo nzya kasalilwa kucita. Alimwi mpaawa kwakali muhedeni, mukolwi, kabweka, banakazi kabasamide ngale, masyu kaapentedwe, kusekelela kwa busyaasunu ikwa Hollywood, kuleta mulanda wa Mwami Leza, kwaangwa mu zyaanzyo, ku kucitika kupati kwa masikati.

⁵⁴ Mulombe alya kweelede kuti wakakwela, kadadalika, kwakasika eyi mibili mipati loko ya buntu, oonse meso katutulukide, masusu kalengelela kusule lyakwe, kaangidwe a kwaangwa, ku kubamba kusangabalisigwa ku cikama, ca basikutasyoma bakolwi. Kweelede kuti wa kali fumpula ku cikunguzyo oko nko bakali kuyo fubaazya kutalika.

⁵⁵ Cindi Nda yeeya ceeco, Ndi yeeya kujatikizya mbungano eyo yakasalwa aa Leza, kucita cintucimwi ca Leza. Elyo caka penga sinkondo koofwaazya meso aco kuzwa ku Ijwi lya Leza muumi a Milao ya Leza, a ku ncito kuti yakasalwa aa Leza kucita; kuba biyo cisobanino mu busena busisidwe bwa banakazi bakolwi, bapentede masyu, abasakatidwe malogwe, basamide zibbudula, bageledwe masusu, a bamaalumi banyika. Ii mbungano eyo yeelede kumweka mu nguzu a nsana zya Mwami! Ino ndi sampu!

⁵⁶ Obo mbo cakali kulwana Samusoni! A milimo yakwe yoonse ya bubambe, eyo yakali kwiinda kukonzya, alimwi yaka tondezya kuti Leza waka jisi nguzu Zyakwe kwiinda mu mulimo wakwe. Elyo misyobo yoonse nya kasola kuba ayo, yakali mu mibili wakwe, pele zilongezyo zya Mwami zyakali musiide.

⁵⁷ Inga twaba a milimo yesu yoonse ya bubambe. Inga twaba a zilengwa zyesu zyatubungwe. Inga katuno jisi mazina mu mapepa a malejasi. Pele Nda libuzya, sunu, ikuti na mbungano ya Pentekoste taiimvwi kujatikizya busena mbubonya, a meso akwe akasyonka kuzwa ku Ijwi lya Leza, a ku bukanze obo Jesu mbwa kafwa, kuti swebo antoomwe inga twaba a luswaanano ku Ijwi a zintu zya Leza.

⁵⁸ Kaubausigwa, wa kali, akati ka ciindi eco nca kapona. Mbuli Mbwe bona Samusoni kaimvwi awo, nciiminizyo, ciiminizyo ca cisi, cinyongene cakabija, a mbungano ya kabija, akuwa kuzwa ku micito mibotu nkaambo wa kaiminina Israyeli mbuli cisi, a nguzu zya Leza, ezyo zizulilwa mu mbungano. Nincobeni kwakali kuboneka kwa kuusa, mbuli mbo tumubona kaimvwi alya, nekubaboobo, kuleta kwakwe okuya, nkabela oyu mulombe kamusololela, nkabela taakwe meso.

⁵⁹ Ikuti na sinkondo wakonzya biyo koofwaazya meso ako kuzwa ku cintu cini ca Leza, uya kweenda ku ciindilila akuta ciziba. Takukwe makani eco Leza nca cita, a ku cisimpikizya kwiinda ku Lugwalo Lwakwe, a kucitondezya kwiinda ku nguzu Zyakwe, ikuti na meso ako tajulwi ku zintu zya Leza, uyo enda ncobeni kuli ncico mbuli moofu mbuli mbo konzya kuba.

⁶⁰ Elyo ngooyo uli imvwi. Aboobo kweelede kuti cakali ciindi cakuyoya, mbuli aba basilumba bakolwi a banakazi, a nkapu zyabo zya gilazi mu maanza abo zijsi zyakunywa zikola aniini. Nda konzya ku zimvwa konse ku mahoolo, “Aboobo oyu ngu Samusoni, muntu singuzu wa Leza, muntu singuzu wa buyandisi, silumamba mupati,” kaimvwi mu ciimo eco. Inga ndayeeyla, kwiinda muli basilumamba abo mbuli mbo bakaima a maboko abo kagwambatila bayandwa babo ba Hollywood ya sunu, a ngale zyabo zibotu kazibalama, mamembala aa mbungano eyi mpati ya Dagoni, Nda yeeyela bamwi babo bakali kukonzya kuyeeya, kuti ku zina lya Samusoni, zina lyakwe ndilyonya lyaka bazungaanya. Zina lyakwe ndilyonya lya kaleta—lya kaleta buyoofu ali mbabo, nkambo wa kali nanikidwe aa Leza. Bunji bwabo baka ciyeeya.

⁶¹ Bunji bwabo basilumamba kabaimvwi kuya, kali kukonzya kuyeeya kumubona kaimvwi a cifuwa camweebo wa mbongolo mu janza lyakwe, ba Filisti bali cuulu bakafwide kabalede awo. Mbobuti mbo cikonzya kucitika? Cindi cifuwa camweebo wa mbo cakauma imwi ya ngowani ezyo, mubwini ni ntuli ya inci acisela ca butali buyumu, baa, wauma ngowani eyo a cifuwa camweebo wa kambongolo, eco mwheebo wa kambongolo inga wauluka kuba zyuulu zya tubeela. Pele Samusoni, a nguzu zya Leza aali nguwe, wakazunda ba Filisiti bali cuulu, kupasaula ntobo zyabo a kuzibikka ku i... matende akwe. Inga ndayeeyla bunji bwa basilumamba abo baka cija mu ciindi eco, kaima kusule okuya a kuyeeya. “Elyo oyo ngu Samusoni?”

⁶² Ba kayeeya kubona cifuwa camweebo mu janza lyakwe, a kwaamba, “Nguni umbi uyanda cimwi ca ceecei?” Wa kali muntu wakali kukonzya kukanana. Wa kali muntu oyo wakananikidwe aa Leza. Leza wakasyomezya ku mulongezya. Wa kali mu nguzu zya Jehova.

⁶³ Oh, kwiina kuzumbauzya kuli banji awa bakonzya kuyeeya kusule cindi mbungano niya kaima mu musyobo oyo wa nguzu, pele lino koonse kunyongana. Misyobo yoонse ya tubungwe, umwi kalwana umwi umbi. Miswaangano ya kaindi iya mipaila ya masiku oonse tai cimvwiki limbi pe. Miswaangano yamu tugwagwa yakamana nconzyo. Tai cibelesegwi. Nekubaboobo, tu jisi bupange bwesu, tu jisi bubambe bwaansi, pele uli kuli Leza wa maleele? Mukasimpe, banji bala Li kaka, akwalo kukaka kuponesegwa kwa Buleza, banji.

⁶⁴ Mpoonya awa mu ciimo eci, Nda kajisi i—i muntu wa mbungano, a mbungano mpati, kati, Nda kali kuyanda kujana zyuuno zimwi, zya kubikka omuno mu Hot Springs, ku Armory cindi Ne kali okuno, mebo a Mukwesu Moore, elyo muntu wa Pentekoste wakati, “Inga nselekela akwalo...” Inga tandilekela kuba a zyuuno. Wa kati, “Inga nse lekela umwi kukkala aa zyuuno zyangu, oyo wakasyoma mu kuponesegwa kwa Buleza.” Oko takuli okuno biyo, nku koonse. Ino ndipenzi nzi? Kucimwa

kutagwasyi, nkaambo ka kugwasilizya a tubunga tumbi, kuluba kuti tuli bantu ba Leza ku Kuzyalwa. Samsoni wakali lubide eco, akwalo. Inga ndayeeya . . .

⁶⁵ Nda yeeyela, kuciindi nakaimvwi alya, kwakali bamwi babo bakayeeya busiku obo ku Gaza, obo muntu mbwa kali kukonzya kubweza milyango ya Gaza, kaibikka aa makuko akwe, cindi niba kasola ku mujalila.

⁶⁶ To konzyi kutyola bunanike bwa Leza. Taakwe kabunga kakonzya ku cijata. Leza ufuluta abo Mba kaita. "Boonse abo Taata mbaka Ndi pa bayo boola."

⁶⁷ Ee, ba kayeeya kuti baka jalilwa mukati, mpawo wa kabweza milyango a kwiibikka aa makuko akwe, a kuzwa, katanta atala lya cilundu a kukkanla. Milyango mipati ya mukuba eyo yakali kulema ku mataani, alimwi ii—ii muntu muniini waka bakwelela kuzwa ku myaala, kuba vunga a kuba bikka aa kkuko lyakwe, a kweenda kutanta cilundu ambabo, kuzwa ku cintu cili coonse eco cakaima mu nzila ya Leza.

⁶⁸ Bunji bwabo mu kakole ako kakoledwe baka konzya kuyeeya eco ca Samusoni. Pele ino ndipenzi nzi sunu? Ta kacita . . . Mpaawo kwakaimvwi Samusoni, pele Muuya wa Mwami tiwa kaboola ali nguwe limbi. Ta kananikwa. Wa kasamununwa ku nguzu ezi, kwiinda ku mwanakazi oyo waka muzwidilizya kuzwa ku Milao ya Mwami.

⁶⁹ Nda libuzya, sunu, ikuti na eco tacili cintucimwi mbuli mambungano esu. Mwabona? *Mwanakazi*, mu Bbaibbele, wiiminina "mbungano." Elyo ndalibuzya ikuti na tii twa kaswiilila ku koongelezya kwa tubungwe tumbi, kasola kuyiisya bakutausi besu mu ii—ii digrii Taanzi lya Arti, kuti mbunga yesu inga yaamba, "Mweembeli wesu ujisi B.A., D.D., na L.D." Ndalibuzya ikuti na tii twa kaunka mu kulilemeka kumwi kupati kwa musokwe, kusola kuyaka mbungano eyo mbotu aniini kwiinda Methodisti na Presbyteria? Inga cabota kuti twazwa mu missioni imwi, a Muuya wa Leza aali ndiswe, kwiinda mbo tunga twaba mu ciimo eci. Ndalibuzya ikuti na tii twa kasandula a kusomonwa kuzwa kuli umwi kuya kuli umbi, kusola kubamba tubunga twesu kukomena? Elyo tuli jisi, jisi bupange bupati, pele uli kuli Muuya wa Mwami?

⁷⁰ Mpaawo wa kaimikila, mwanakazi waka musamununa. Ino ncinzi ca keelede kwiinda mu mizeezo ya muntu oyo mbuli mbwa kaima awo? Wa kajisi ciindi ca kuciyeeya.

⁷¹ Ndi syoma kuti ila cijana ciindi eco cinji. Kwalo nkunji kuli ndinywe, bali milioni bambi na cilongezyo cisakene ca Leza mu buntu bwamu? Twa kalingula . . .

⁷² Elyo inga kwaba a zintu zinji zimbi Nze lemba awa, kujatikizya bami abo a ceeco Samusoni nca kacita, eco nco bakali kuyeeya.

⁷³ Lino atu selemuke kuli Samusoni. Elyo ino uyeeya nzi kuti cakali kwiinda mu mizeezo yakwe, kwa inzundo zinji nzya kajisi, zintu zinji zipati nzya kacita cindi Muuya wa Mwami niwakali ali nguwe? Pele wa kaziba kuti wa kajisi milambi yoonse, pele Muuya wa Mwami tiiwa kaliko.

⁷⁴ Andi kwaambile cintucimwi, ombungano. Uta soli kusangana mbungano ya bupaale maningi, nkamu yaambaula koboto loko. Amu kkale a Kristo, oko Muuya wa Mwami nkoubede.

⁷⁵ Mpawo kweelede kuti wa kayeeya kuzunda kupati Leza nkwa kamupa, a ku ziindi cindi meso akwe naka jukide, cakuti wa kali kukonzya kubona zisyomezyo zya Leza. Pele lino, mbokunga wa kwempwa mu cintu eci, meso akwe akatandwa.

⁷⁶ Bantu banji loko, sunu, bala kwempwa mu kuyeyya kwalweeno, kuta yeeya kulingula Lugwalo, kubona naa luli luleme na pe. Bamwi basola kwaamba kuti, “Ta cibambi lwandaano luli loonse.”

⁷⁷ Paulo, mu Incito 19, kayeeya kuti caka bamba lwandaano. Elyo wa kati, “Ikuti na Angelo uuzwa ku Julu wakambauka cintu cimbi cili coonse, abe mutuke.” Mwabona? Mwabona? Ci bamba lwandaano.

⁷⁸ Lino tula bona Samusoni kaimvwi awo, nzila mbwa yeeya zintu ezyo ciindicimwi nzya kacita ku Bwami bwa Leza. Elyo nzila Leza... Wa kakakilwa Leza, alimwi wa kakakilwa bantu ba Leza. Iiyi, munene. Lino ngu mwaange wa cisi nciconya eco Leza nca kamubusya kuti a nyonyoone.

⁷⁹ Ndi yanda ku nkowmwe awa kwakaindi kaniini. Pentekoste, nywebo mulizi Nda tuyanda. Cindi Nda boola kuli ndinywe, Jack Moore, Richard T. Tete, Mukwesu G. H. Brown, Mukwesu Ben Pemberton, a mwaalumi umbi mulemu, kujana zintu nzo kajisi, cilibonya mbuli kuti twa kajisi kunji loko kweelene kusikila twa kali mbuli gloovu lyeelela mu janza; Nde elela kabotu andinywe. Nkambo Mulumbe, mukutaziba kuti kwakali mbungano ili boobo, eyo Nje kasyoma mo, njeeyi nkamu ya bantu yaka Ci tambula kale. Ndi cili Mukwesu Branham. Ndi cili munyoko, alimwi Nda tuyanda.

⁸⁰ Pele sena mula mvwisywa, cintu nciconya eco Leza nca kamubusya, mwa lipa kuli ncico? Leza waka kugusya kuzwa ku tubunga, myaka yakainda, kubamba bantu kuzwa kuli nduwe, elyo mwa kanyona akubunganya cintu kuli ceeco Leza mwaka mugusya kuti musampaule.

⁸¹ Nda zundikizya kufumbwa muntu ku nditondezya busena buli boonse mu makani aakale, kuzwa mbungano niya kasaanguna kuba kabunga, eyo yakali mbungano ya Katolika yaba Roma, ku Laodikeya, na Nicaea, mubwini, Rome, cindi mbungano ya Katolika niyakaba kabunga a kupanga

kabunga...Elyo uli jisi mbungano imwi kuzwa kuli Martin Luther, lubazu olu...

⁸² Cindi Leza nakapa Martin Luther ciyubunuzyo ca kululamikwa, elyo Luther mbwa kaunkila buyo, baka panga kabunga kuzwa kuli nguwo, nkabela wa kawa. Ambali kwakasika Wesley, kamutobela, a Asbury, abamwi bambi, bakasyaala; baka panga kabunga kuzwa kuli ncico, nkabela cakawa. Ambali kwakasika Alexander Campbell, nkabela yakawa, a kabunga. Ambali kwakasika John Smith, wa Baptisti, nkabela yakawa. Elyo ciindi conse muntu nakasola kubunganya cintucimwi, ca ciyanza cakapangwa aamuntu, cakawa nkabela tii cakabuka alubo. Takukwe makani aakale, ali oonse, awo mbungano imwi yakasola kuba kabunga, pele eco cakawa, nkabela umwi aumwi wakawa, taakwe nakabuka alubo.

⁸³ I bana ba Israyeli, mu cikozyanyo, bakeelede kutobela Musumpululu wa Mulilo. Elyo busiku abumwi beeleele kulibambila, kutali kuba kabunga a kukkanala awa, pele kweenda a Mulilo.

⁸⁴ Nce ncico Leza nca yanda bantu Bakwe kucita, kweenda a Muuya, kweenda a ciindi!

⁸⁵ Yebo wati, "Ee, Mukwesu Branham, twa kajisi misyobo yoonse ya mvula, a mvula yamukati a mvula yaanze." Uli mupampu. Ta ndikwe makani musyobo wa ciyubunuzyo mboubede, a mbo ciboneka kabotu, ikuti na ta ceendelani ku Ijwi lya Leza, ko cisiya cilikke. Eyi ni pulani yiinda mu nkanda, Ijwi lya Mwami.

⁸⁶ Pele mpaawa kwiimvvi mbungano sunu, mbungano ya Pentekoste, kutandila tubunga twandeene tuli makumi obilo na makumi otatwe, umwi aumwi kaita umwi umbi, *obu*, *obo*, a *bumbi*, "mukombwe wa makubi," azimwi zimbi. Ino ndi sampu, kakuli cintu nciconya Leza nca kamugusya kuzwa ku tubungwe, wa kanyona a kucita cintu nciconya ncoba kacita. Nce ncico ncobeni Samusoni nca kacita. Leza wakabusya Samusoni ku kunyonyoona cisi. Elyo Leza waka kubusya kuba bantu, kutali kabunga.

⁸⁷ Pele cindi Leza naka talisya Israyeli kuzwa i...kuzwa ku Egepita, ba kali buyo kutandila lweendo lwa mazuba ali kkumi kuzwa ku nyika ya cisyomezyo, kutandila mamaile ali makumi one. Pele baka kkala mu nkanda kwa myaka ili makumi one. Nkaambonzi? Luzyalo lwaka bapede kabelele ka zibi zyabo, kupalulwa kwa citondezyo, i Musumpululu wa Mulilo mbuli bumboni, Musa mbuli musinsimi. Luzyalo lwakapa zintuzyonse nzoba bulide, pele bakali kuyanda cintucimwi cakucita lwabo.

⁸⁸ Nkusyoonto nko bakazi, cindi Miriamu nakali kuzyana a nsaka, a bana ba Israyeli kabazyana anguwe, elyo Musa kaimba mu Muuya, ba kali biyo mazuba ali kkumi kuzwa ku nyika ya cisyomezyo cizwide. Nkusyoonto nko bakazi, myaka ili makumi

one, nkabela mitunta yabo iyo bola mu nkanda. Ino cakacita nzi? Israyeli yakabamba muzeezo wayo wa kugubila maningi ngo yakasola kubamba, cindi niya kazumina mulao mucibaka ca luzyalo, cindi nibakali kuyanda kubamba mabbishopo a cintucimwi caboneni, cintucimwi ncoba kacita muli ncico. Leza wakali akati kabo, kaba solelola.

⁸⁹ Elyo nce ncobeni Pentekoste ncoya kacita. Cindi Leza naka yubununa cintucimwi cipywa mu Lugwalo, mubusena baka ciita kuti makani mapya na kufumbwa nco muyanda kucita kujatikizya ncico. Pele cindi Leza naka yubununa cintucimwi, mucibaka ca kuzumina Bwini aku Bu soleka kubelesya Bbaibbele, ba kazwa a kupanga kabunga, kalyandaanya lwabo. Elyo mpawo ambali kwakasika *eci, eco, a cimbi*, elyo lino waima akubija, mbungano ya Pentekoste, yaangidwe mu zyaanzyo zya kabunga. I cintu eco Leza nca kakubusya kuti unyonyoone, elyo lino uli buyo mbuli kabunga mbuli mbo babede. Baalumi banaleza muli umwi aumwi wabo, a banakazi; obo mbwini, umwi aumwi wabo.

⁹⁰ Elyo tuli, umwi aumwi, ujisi mulandu. Mupika taukonzyi kwiita nketulo kuti ilasiya. Toonse tu jisi mulandu, umwi aumwi wesu, nywebo noba bumwi, babubili, babutatu, a—a kufumbwa mbo mukonzya kuba. Ino ndi sampu! Ino ndi sampu ndo kaleta ali Jesu Kristo! Ino ndi sampu ku zina lya pentekoste! Ba kaleta sampu maningi kusikila lyaba zina lya mause, kutandila. I bantu taba yandi kuli swaanganya beni a zina lili boobo. Nku kaambo kakuti wakacita ncota keelede kucita. Elyo kuzumanana a kutobela milao ya Mwami, yeelede kuba cintu comwe cipati ca Leza, ku maccing'a kuya ku luzundo, sunu.

⁹¹ Wa kalekela mwanakazi ku muvumbya kuzwa ku Ijwi lya Leza, lino uliimvwi kacita mancengjela aa dyabulosi. Mbo mbubo. Mbubonya buyo.

⁹² Cintu nciconya cicitika sunu, kulekela Jezebele, “banyina wa basibwaamu,” Ciyubunuzyo 17 yaamba kuti waa kali “banyina wa basibwaamu,” lino, ikuti na ngu sikuvuula, oyo—oyo mwanakazi uupona cakutasyomeka ku mulumi wakwe. Waa kataminina Kristo Mulumi wakwe, nkabela taponeni ku Mulao Wakwe.

⁹³ Elyo ncinzi mambungano ambi nca cita? Niinzi sibwaamu? Ncintu nciconya mbuli cimbi. Ino ncinzi? Bwaamu ku Ijwi lya Leza. Elyo waa kali “banyina wa basibwaamu.” Elyo amulekele njiisyo eyo ya Jezebele, azimwi zimbi, nkaambo nkamu ya bantu bapampu, abo bayanda kuba antoomwe a kubunganya cintucimwi kutegwa bakonzye kuba a mazina mapati lwabo. Elyo mpawo kwiimvwi mbungano, bunyina bwakapambulwa. Oh, ma! Ino ndi sampu! Nywebo mulizi mbo lyeenda.

⁹⁴ Ino ncintu cibyaabi, boofu kumuuya. “Oh,” yebo watii, “ee, Nseli moofu kumuuya.” Micito ilakanana maningi kwiinda

majwi; kutondezya kuti muli boofu kwiinda ku nzila mbo mweebwa ku zintu. Mwabona?

⁹⁵ Lino, amuyeeye, eyi teepu ilimu kupangwa alimwi iyotumwa ku inyika yoonse. Mwabona, alimwi Nse kanani maningi mpoonya awa, pele eci cilaunka kutandila masi aindene ali kkumi aciloba, omuya mu zisaka a koonse.

⁹⁶ Boofu kumuuya! Boofu kunzi? I Ijwi lya Leza, bwini bwa Leza. Kabunga kanu taka lekeli...

⁹⁷ Bakutausi babotu abo baboola kuli ndime, a kwaamba, "Nda syoma obo kuba Bwini, Mukwesu Branham, pele ikuti na Nda kakambauka Eco..." Lino, nceeco we. "Ikuti na Nda kasyoma Eco, ee, bantu bayo..."

⁹⁸ Ta ndikwe makani eco bantu nco baamba, Ta ndikwe makani eco kabunga nco kaamba; nceeco Leza nca kaamba kuba Bwini. Elyo ikuti na Mbwini bwa Leza, Leza uyo ciiminina. Mbobuti mbo konzya kulangila kuba a lusyomo kakuli uyanda kulemekana umwi kuzwa kuli umbi? Mwabona, cila gwisyu lusyomo kuzwa kuli nduwe.

⁹⁹ Kajokela ku tubungwe, Pentekoste eyo yakazyalwa kuzwa ku kabungwe. Pentekoste tiiya kazyalwa mu kabungwe; yaka zyalwa kuzwa *ku* kabungwe. Elyo bupyungi bwa Saatani bwaka mukwelela moonya muli ncico, awo mpo mwakazwa, "Mbuli ngulube mboya kaunka ku ntimbayayo, nkabela mubwa ulaunka ku ntimbayayo." Lino amu balange, kabazundidwe!

¹⁰⁰ Twe elede kale kuba mu nyika ya cisyomezyo. Jesu Kristo weeledé kulemekwa ampuwo loko akati kesu, mane kakuteeeli kuba kuciswa kumwi. Oh, inga caba cabulemu.

¹⁰¹ Ta kweelede kuba banakazi bageledwe masusu, madressi aasama mafwaafwi. Elyo—elyo ta kweelede kuba mwaalumi uukwetwe ziindi zyotatwe na zyone, bamadaikona mu mbungano yesu. Elyo muta ndaambili kuti tacili mu Pentekoste; cili masimpe. Pele nkaambo ka bulemu bwabuleya. Ta ceelede kuba, pele mbo cibede. Nkaambonzi? Nkaambo kukwelwa kwakabungwe, mali, aatunzenyu, mubusena bwa kweendelana a Ijwi. Kugwisya mukwesu umwi tuyandisi, aku bikka muntuumwi nkambo kakuti ujisi bwiime bupati ku buleya mu dolopo.

¹⁰² Ndi yanda muntu oyo ujisi bwiime bwabuleya mu Bulemu. Ikuti na tazi ma ABC akwe, ino cibamba lwandaano nzi? Sena mulizi eco ABC nca iminina? Lyoonse ula syoma Kristo. Mbo mbubo. Ula ciiya eco.

¹⁰³ Muntu umwi wakasika kuli ndime, kutali ciindi cilamfu cainda, a kuti, "Mukwesu Branham," nciconya...umwi wa bakutausi bainda ba Pentekoste bazizilwe kapati mu cisi. Wa kandi tola mu kaanda kakwe, wa kati, "Ndi yanda ku kukombela."

Nda kati, "Nse cisidwe."

Wa kati, "Nda—Nda kuyanda."

Nda kati, "Oko kulamvugwa kuli boonse."

¹⁰⁴ Wa kati, kandaambila, kati, "Nkaambonzi toleki ku baambila banakazi kujatikizya masusu abo ageledwe a misyobo eyi yoonse ya zintu, a kujatikizya mbungano?" Kati, "Oyo tauli mulimo wako."

Nda kati, "Ino nguwani kai?"

¹⁰⁵ Wa kati, "Ciyo boola kucitika kuti tokabi a cintu pele cikama ca zikunguzyo caku kambaukila."

¹⁰⁶ Nda kati, "Inga ndasala kucita ceeco a kukambauka Bwini, kwiinda kulimvwanya a dyabulosi." Mwabona? Mwabona?

¹⁰⁷ Wa kati—kati—kati—kati, "Mukwesu Branham, sa Leza taka kwiita kukombela balwazi?"

Elyo Nda kati, "Iiyi, munene."

Wa kati, "I bantu basyoma kuba musinsimi."

Elyo Nda kati, "Ee, eco—eco, Nse kaamba ceeco."

¹⁰⁸ Wa kati, "Pele bala kusyoma nzila eyo." Elyo kati, "Ikuti na uli musinsimi, nkaambonzi tobelesyi ciindi cako kuyiisya bantu nzila zipego zya kumuuya, a nzila ya kuponya baciswa, a—a nzila ya kucita ezi, kujana zipego ezi zya kumuuya, a kugwasya mbungano mubusena bwa kwiimikila cakuzumanana, kubwekela banakazi, a kubwekela bantu, a zintu mbuli ezyo?" Kati, "Ee, nkaambonzi to baleki balikke?" Kati, "Nkaambonzi to bayiisi cintucimwi cipati kwiinda masusu ageledwe a zintu, a kulekela eco cilikke?"

¹⁰⁹ Nda kati, "Mboluti Mbwe konzya kubayiisya alujebra kakuli tabazyi alo ma ABC abo? Mbo mbubo. Abaiye ma ABC abo lutaanzi."

¹¹⁰ Ii mukutausi mudaala wakaunka a kukambauka kululamikwa ku lubukulusyo, busiku bwabili, busiku bwatatu, busiku bwane, busiku bwasanu. I bamadaikona baka mwiita kuzwa, a kuti, "Mufundisi, sa tozi buyo nkambauko aa kululamikwa?"

¹¹¹ "Oh, masimpe. Pele boonse aba lulamike lutaanzi, elyo mpawo tuyu kambauka cintucimwi cimbi." Mbo mbubo.

¹¹² Oh, ikuti na mwakonzya buyo kujokela ku ntalisyo! Mpaawo kwakaimvwi Samusoni, kazundidwe.

¹¹³ Lino amulange, inga twaba babotu kwiinda, eco inga caba boobo. Pele cili buyo mbuli kuti Nda kali kuselemuka mugwagwa buzuba bumwi, Nda kabona citondezyo cipati, kati, "Funk iya, mapopwe akatintanisigwa," obo mbo cakali cipati. Pele tacili cibotu. Ta cigwasyi buyo mbuli mbo cikonzya kuba, alimwi ci jaya cisi. Mula bala kujatikizya ncico, Reader's Digest,

"Ikuti na banakazi bazumanana kulya tunkwa twa nyama a mapopwe, a zintu, taba konzyi kuba a muvwanda mu myaka ili makumi obilo kuzwida lino." Taakwe bubotu muli ngewe.

¹¹⁴ Ino cisyanggo camubusena bukasaala niinzi? Ikuti na tacili cisyanggo citaanzi, weeledé kuzumanana ku cifwafwaza ciindi coonse, ku kutanta buuka kuzwa kuli ncico. I buuka buyo cilya. Pele ikuti na ncisyango citaanzi, to elede ku cifwaza. Cisyango canseba mbotu, kauka taka yaki ali ncico.

¹¹⁵ Eelyo nde penzi, weeledé kubamba bantu kubebeka mu mbungano, "Bulemu kuli Leza, mucizi," mwabona. Wa katintanisigwa, wa kaletwa mukati kwiinda kunzila imwi imbi.

¹¹⁶ Wa bweza mapopwe akatintanisigwa a kwaasyanga kujoka, aceeco nco jisi? Taakwe. Ta cika konzyi akwalo kupanga cintu.

¹¹⁷ I mbungano ni mbotu sunu, ayo mayake, mapati loko kwiinda ngo kasola kuba ayo, mbungano mapati maningi nj kasolakukambaukilá, bakutausi bapampu bainda kwinda mbo maka jisi. Mwa kali kuba abantu bakalikujanika mu myunda ya mapaoopwe kumwi, abo Leza mbakaita okuya mu zibuwa ya tusamu twa zipyaango. Pele lino wa katuma bana bako ku cikolo, akupanga bazukulu kuzwa kuli mbabo, a kujoka a ma Ph.D, a LL.D. Elyo ayalo imwi ya mambungano mapati aa Pentekoste sunu, kabatana tuma muntu ku masena akutolela lusyomo, weeledé kwiimikila kumbele lya dokotela wa sakkatriki kukubona na mupampu kabetu mu kuyeyea. Amu ciyeeye!

¹¹⁸ Mu Pentekoste, ceelelo tii cakali kusunkwa kwa kuyeyea, kwakali kusunkwa kwa Muuya Uusalala oyo wakawida ansi aa Buzuba bwa Pentekoste. Eco taciko mu mubuzyo ku bantu sunu.

¹¹⁹ Sena mwakalizi kuti mbungano ya Katolika yaba Roma yakali mbungano ntaanzi ya Pentekoste? Ca kacitolela myaka ili zyuulu zyobilo kunjila mu ciimo nco cijisi sunu. Ikuti na aka kabunga ka Pentekoste kazumanana myaka imbi ili makumi osanwe, kayo indila kubija kwiinda mbungano ya Katolika. Mbo mbubo. Cibi cililundana ku lubazu alumwi! Lino inga tii mwayeeya kuti Ndi... Inga mwayeeya kuti Ndili nyongene, pele Ndi lizi awo Mpe bede. Mwabona? Elyo mbwini. Kolindila buyo nkabela uyo ziba. Iiyi.

¹²⁰ I mapopwe akatintanisigwa, akatintanisigwa, kaacitya banakazi kusumana mu zikungu zyabo a bamukabafu mu makuko, azimwi zimbi.

¹²¹ Kuya busumpuka bucebuce kwakali ku twaambila kuti, kuya busumpuka bucebuce, kuti banyama bamwi baka swaangana akuzyala cintucimwi caandene, a cintumwi caandene, ca kaboola kuba muntu. Ba kazumanana kulingaula konse mane baka susya lwiiyo lwabo beni.

¹²² Andi mwaambile cintucimwi, muli balimi awa. Ncinzi cibamba kambongolo? Walo munyama mubyabi loko mu inyika. Walo wakatintanisigwa. Ta jisi kuyeeya kubotu, ku kutalika. Konzyi ku muyiisya cintu. Uyo lindila buumi bwakwe boonse, ku kubbansa katana buyo kufwa. To konzyi ku mwaambila cintu. Ino ncinzi? Nkaambo wakatintanisigwa.

¹²³ Cindiyeezya buyo Banakristo bakatintanisigwa, mbo bakaita. Inga wasola kwaambila kambongolo kakaindi cintucimwi, kayo ima a matwi akwe mujulu, kuunka, "Hwaa! Hwaa! Hwaa!" Mwabona? Koonse nkwazi nku bbwaya a kulilemeka bumwi. To konzyi ku mwaambila bwini a ku muyiisya cintu. Eyo nje nzila bantu aba. Amu baambile kujatikizya Kristo, mbobuca nguwenya, sunu, amuya myaaka, "Hwaa! Hwaa! I mazuba aa maleele akamana," a bubi bwa seminari imwi eyo njo twa kaiya. Caka tintanisigwa.

¹²⁴ I Muuya Uusalala uyo zuminana ku mulao oonse wa Leza kubelesya "ameni." Oyo muuuya wa cintucimwi ca seminari kacivooma kuzwa kuli nguwe. Kutali koompolweda Ijwi ly a Leza, ikuti na Muuya Uusalala. Uyo cizumina "ameni." Mwabona?

¹²⁵ Nywebo mulizi, Ndi yeeya kuti kambongolo takakwe luzibo. Pele mulizi cintu na? Ta konzyi kuziba na bawisi bakali bani na banyina mbo bakabede. Mwabona, bawisi bakali jack muniini, banyina bakali mbizi mpwizi, pele ta konzyi kuli zyalulula. Uli manide.

¹²⁶ I kasumu kalakonzya kulizyalulula keni. Bweza katuba ka violeti a bbulu violeti, koleta yako yapyu violeti; ko kasimpa ziindi zyobile na zyotatwe, kaya kuba ka tuba na kasalala pyu, waobona.

¹²⁷ Eco cilatondezya, mwabona, taakwe niba kaboola mbuli booboo. Leza wakati, "Akube kuti zintuzyonse zizyale mbuto zyayo zini," nkabela eyo nje nzila mbo icili. Muntu wakapangwa mu cinkozya ca Leza, kutali sokwe. Mwabona? Eco cintu cinyongene!

Amubone, nywebo mulizi, kubula luzibo kwa kambongolo. Pele mulizi cintu na? To konzyi ku mwaambila cintu. Walo muyumu mutwe.

¹²⁸ Pele Ndi yeeya kuti mbizi iini iinjoloma, oh, ma, ulizi kuti banyina bakali bani, kuti bawisi bakali bani. Walo musyobo unjoloma. Uli zyi boonse basyanyinakulu bakwe a zintuzyonse, nkaambo ujisi musyobo unjoloma.

¹²⁹ Eyo nje nzila mbo cibede kuli baaba bakatintanisigwa, bategwa Mbanakristo. "Mazuba aa maleele akamana. Ee, swebo toba Presbyteria, swebo toba Methodisti, tuli *boobu-a-boobu*, tatu syomi *Ceeci*. Tobana Trinitaria, tuli *boobu-a-boobu*, ta tuciti. Ta tu citi *ceeci*." Mwabona, tozyi awo mpoimvwi.

¹³⁰ Pele Munakristo wini wakazyalwa kuzwa ku Bbuku lyu Incito, ulizi ncobeni awo mpa imvwi. Wa kazyalwa ku Muuya, alimwi *ngoooyu* musyobo wakwe unjoloma. Wa kazwa ku mutabi wa Leza. Iyo leta cintu nciconya ciindi aciindi.

¹³¹ Ta cigambyi, mbungano ni mbotu maningi. Pele ndipenzi nzi? Ya kazwa ku Muuya. Ya kalizylula ini, ku inyika. Lekela banakazi kusama zibbudula. Kulizya mapiaano, kubalekela kulipenda. Lekela mwaalumi akwatwe ziindi zyone na zyosanwe, a kujatilila busena bwabo, busena. Zyoonse ezi ziimo zya zintu nzoba inda, mbubonya buyo Lugwalo mbolwa kaamba. Uli zundidwe maningi mbuli Samusoni mbwa kabede. Mbubonya buyo. Iiyi, munene.

¹³² Oh, mbuli Samusoni mbwa kayeeya! Inga nda... Nse yandi ku mujata kwa ciindi cilamfu loko; Ndiyo sotoka zimwi zya zibalo ezi awa. Mbuli Samusoni mbwa keelede kwiiima awo a kuyeeya bulubizi bwakwe, alimwi awo mpa kali kukonzya kuba!

¹³³ Amuyeeye Israyeli. Sa inga Nda, sa mula ndijatila aniini, kujokela kuli Israyeli? Sena mulizi cintu, ncinzi ncoba kacita myaka eyo ili makumi one cindi niba kapanga kabunga kabo okuya? Mubusena bwa kuzumanana kwiinda, kusololelwa aa Musumpululu wa Mulilo, Angelo wa Mwami, oyo wakali Kristo, mubusena bwa kuzumanana kwiinda a ku Mu tobela, mu kutandila mazuba ali kkumi niba kali mu cisymezyo cizwide, pele mulizi cintu na? “Ba katuntulika mu nkanda,” Bbaibbele lyu kaamba.

¹³⁴ Ba kaboola ku Kadeshi bania, oyo wakali cuuno ca lubeta, elyo okuya cindi basikutwela niba kapiluka a kwaambaula kujatikizya nyika, ba kati, “Ta tukonzyi kucicita.”

¹³⁵ Kalebi a Joshua bakati, “Tula konzya maningi kucicita,” nkambo bakali kulangila ku cisymezyo ca Leza, kutali ziimo mbo zyakabede.

¹³⁶ “Ta tukonzyi kuba a mbungano kakutakwe kuba a kabunga.” Ee, tamu boni eco Leza nca kaamba. Mbo mbubo.

¹³⁷ Ino bakacita nzi? Sena Leza waka balongezya? Masimpe, masimpe. Ba katuntulika koonse. Ba kakwata bamakaintu. Ba kasyanga myuunda ya misaansa. Elyo baka jisi bavwanda, nkabela bakavula. Elyo bakacita cibotu mu nkanda. Mbo mbubo. Pele tiiba kacili mu cilongezyo cizwide.

¹³⁸ Aboobo cindi boonse aba bakapanga nkamu eyi mpati ya kabunga, “basikulwana bakaindi” bakali kwiitwa, yaa, Leza waka balekela kukkanala awo mane umwi aumwi wabo wakafwa. Elyo mpawo Wa katalika a nzyalani mpya, kunsi lya busololi bwa Joshua, oyo wakasyoma Ijwi, ameni, elyo wa kabatola ku nyika ya cisymezyo.

¹³⁹ O Leza, akube kuti eyi nzyalani niini yaba Pentekoste ijane i—i cilengaano. Mwabona, ba kazumanana kuya ku nyika ya

cisyomezyo. Twe elede kuba oko nko tujisi misyobo yoonse ya zipego zya Leza.

¹⁴⁰ Twa kaambaula mu myaambo. Mbo mbubo. Kuli kabotu. Taakwe kulwana ceeco. Musa wakazabuka Lwizi Lusalala; sinkondo waka jaigwa kunze lyakwe. Tula—tula—tula lumba eco. Pele eco tacili coonse caco.

¹⁴¹ Obo kuniini bamauso a bamanyokwe mboba kayeeya cindi niba kaimvwi okuya a kudubula zipenzyo kwiinda mu mpulungwido kuli mbabo, a mbabo kabazyana mu Muuya, kuti bana babo bayo sola kuboola kuli ceeci! Pele caka cita.

¹⁴² Pele kuli nzyalani mpya iboola lino. Masusu aa Samusoni akakomena. Mwabona?

¹⁴³ Amulangilile! Muta lekeli Delila kusola ku mutukumuna kujokela mu cintucimwi mbuli ceeco. Uh-huh. Amu tantamuke kuli ncico. Eco nce cintu caka musinganya. Mwa kakomezegwa ku cipa mulandu. Elyo Nda soleka ku bubotu bwangu kucicita, nekubakuti Nda kaimvwi alikke. Pele Nda soleka ku bubotu bwangu kwiima ku Milao ya Leza. Nda bona mbungano kaiimvwi alya, kaisamununa nguzu zya Leza, kasamununa zilongezyo, kasamununa zipego.

¹⁴⁴ Elyo Leza uyo tila cipego Cakwe. Ba lati—ba lati, “Oko nkubala mizeezo, kukwabana mizeezo,” kakuli beeledie ku Li bukata. Mwabona? “Ee, uli kokuya ku Bumwi lino. Peepe, eco, eco inga caba, nkambo, oh, ba kali *ceeci, ceeco, na cimbi*.” Mwabona? Oh, ikuti noka ziba buyo buzuba bwako! Uta Li lekeli ku mwiindilila. Eli nde oora, kukamantana muli Kristo. Amubone.

¹⁴⁵ Samusoni kaimvwi alya, kayeeya bulubizi bwakwe, zintu nzya kacita. Lino sena mula mvwisya eco caka mucitya kuba boobo? I sinkondo wakabikka meso akwe.

¹⁴⁶ Elyo nce cintu citaanzi kabunga nco kayo cita, uyo bikka meso ako ku luswaanano lumbi luli loonse pele alo anu eni. Ameni. Nda konzya kwaamba zintu zinji mpoonya awo, pele Nse—Nse kacicit. Pele nywebo, ikuti na muli basimizeezo ya kumuuya, mulizi eco Nce kanana. Ciyo tanda meso ako! Yebo buyo a nkamu yako; ikuti na uli muna Methodisti, uli muna Methodisti luzutu; ikuti na uli muna Baptisti, uli muna Baptisti alikke. Ikuti na uli muna Presbyteria, uli... Ikuti na uli wa Bumwi, ikuti na uli wa Bubili, ikuti na uli wa Butatu, na mbangaye bambi mbo bajisi, mwabona, uli boobo buyo. “I bamwi babo taba gwasyi.”

¹⁴⁷ I muna Baptisti waka jisi kaambyo mu mazuba aa Billy Graham kuseeni maningi, makumi one-... “Mu’ 44, bali milioni bambi.” Ino mwajana nzi? I nkamu ya basikuufweba misanga yatombwe, basikuupaupa basikusangana mbungano.

¹⁴⁸ Cindi Billy, lwakwe, cindi ni Nda kali ku kalimbabula kakwe, wa kati, "Yebo ulizi na ndipenzi nzi?" Kati, "Ngooyu mukozyanyo." Wa kati, "Ndiyo njila . . ." Kati, "Musalaali Paulo waka njila mu munzi, wa kajisi musanduki omwe. Elyo wa kajokela, mwaka kuzwa eelyo," elyo kati, "oyo musanduki omwe wakaleta bambi bali makumi otatwe." Wa kati, "Ndiyo njila mu dolopo kwa mvwiki zili cisambomwe, a kuba a kusala kuli zyuulu zili makumi otatwe, elyo inga Nda jokela mu myeezi ili cisambomwe a kutajana bali makumi otatwe." [Kabeela katakweecintu aa teepu—Mul.]

¹⁴⁹ Ee, lino, Nda kamunyomenena mwaalumi ku camba cakwe, pele Ndi yanda kumubuzya mubuzyo omwe. "Nguni wakabweza basanduki ba Paulo? Nguuli mweembeli mutolo ujatikizya nguwe?" Cakali cinzi? Paulo waka kkala a nguwe kusikila wa kali mwana wa Leza cakumaninina, wakazyalwa ku Muuya. Wa kamu tola kulaale muli Kristo mane ta kakonzya akwalo kucebuka.

¹⁵⁰ Ba leenda buyo kumbele alimwi ndiza kusangana mbungano, na akwalo kukanana mu myaambo. Nda syoma mu kwaambaula mu myaambo. Nda syoma Muuya Uusalala ulakanana mu myaambo. Pele Ndi lizi kuti boonse abo baamba a myaambo taba jisi Muuya Uusalala. Mwabona? Nda kabona bang'anga kaba kanana mu myaambo, a kunywa bulowa kuzwa ku kapombo kamutwe wamuntu, a kwiitila dyabulosi, kukanan mu myaambo aku upandulula. Oku taku sinkili kulimvwisya. Peepe, peepe. I Buumi bwa Kristo muli nduwe, mucelo kaulipa bulunguluzi bwini, nce ncico. Pele tula kkalikila ali ceeco, "Ikuti na muntu wakanana mu myaambo, kwa mana, aboole mukati." Amulange nco mujisi sunu. Mwabona? Obo mbwini, kwaambaula mu myaambo, pele kutali Bwini boonse.

¹⁵¹ Mbuli muntu uusiya kalya kabeela ka namunywa. Wa kati, "Mbobuti mbo ciyanda, Mose?" Wa kati, "Oyo wakali mubotu, simalela, pele kuli kunji kwa ncico."

¹⁵² Ikuti na Nda konzya kukanana mu myaambo, masimpe kuli kunji kwa Ncico. Mwabona? Pele ncinzi nco tucita? Mbuli buyo Israyeli, yakakkala aa cintu eco comwe,aku tuntulika mu nkanda lino kwa myaka ili makumi one, nekubaboobo kakutakwe cimwi Caco mu nyika ya cisyomezyo. Nce ncico ncobeni nco twa kacita.

¹⁵³ Samusoni kaimvwi awo, (Nde elede kubinda), kweelede kuti ndakalanga musule, kayeeya zintu ezyo zyoonse. Elyo ngooyu mbwa kabede, kaambo nkakonya nca kabusigwa, wa kofwaazigwa. Elyo awo bupange bwakwe bupati, kabunga kakwe kapati ka mubili wabuntu, ii mulundu wanyama kaimvwi alya, milambi yakwe mipati ncobeni, pele taakwe nguzu.

¹⁵⁴ Mpaawa tulimvwi asunu. Kaindi Pentekoste niyakali kwinnda manji loko, ndiza bantu bali myaanda yone na

yosanwe koonse ku cisi coonse, sunu ni mbungano iikomena cakufwambaana loko mu inyika. Ino tu njila nzi? I nkamu ya mamembala. A moongola wesu, twe elede kuba ziindi zili zyuulu zili kkumi kuba azyamba kwinda cindi notwa katalika. Elyo tuli ziindi zili zyuulu zili kkumi bakompeme kuti twa kali cindi ni twa katalika, nkaambo tu iyaka aa ii—ii ntalisyo itagoli, aa kabunga, cintucimwi eco Leza nca singanya. Elyo mbobuti mbo tukonzya kuyaka ii—ii mbungano atala lya machaati aa Sodoma a Gomora?

¹⁵⁵ Nda syoma tamu ndisulaiki, pele amu kkale buyo zii aniini a kuswilila. Mwabona?

¹⁵⁶ Ta konzyi kucicita. Eco Leza nca singanya, Wa singanya. Mpawo, kondi tantamuna kuzwa ku cintu cili coonse eco Leza nca kasinganya, Ndi yanda eco Ncali mukulongezya. Mbo mbubo.

¹⁵⁷ Amubone mbuli mbwa kaima awo, kayeeya. I bami bankondo, kakoledwe aniini, kaimvwi alya, “Nda yeeya muntu oyo mupati. Nda yeeya cindi na kaima a cifuwa camweeo wa ii—wa kambongolo, mu janza lyakwe. Nda yeeya cindi na kavunga milyango ya Gaza a kweenda atala lya cilundi. Nda yeeya zintu ezi zyoonse. Cindi mulavu oyo naka vulumu kutobela nguwe, oyo mulombwana muniini loko, elyo Muuya wakaboola ali nguwe, nkabela wa kazapaula buyo mulavu oyo mu bubili, a janza lyakwe. Elyo mpaawa uli imvwi, kaangidwe, ku mwana muniini kamusololela koonse. Elyo leza wesu, Dagoni wa nswi-leza, wa kazunda luzundo kuli nguwe.”

¹⁵⁸ Nceeco we. I inyika ya sobelela mu mbungano, ya kazunda kuzunda. Ya samununa banakazi besu. Ca bikka kuyandisya mu moyo wa bantu kukkala ku ng’anda a kulangilila cipekupeku mibusena bwa kuunka ku mbungano a muswaangano wa mipailo. I luyandisyo lwa inyika lwa sobelela mukati a kutola mbungano yesu ya Pentekoste ku lweendo lwaku gehena.

¹⁵⁹ I kuyandisya a lusyomo? Koinzya muntu kwiinda mu mundando wa mipailo a kumulekela kubona kufumbwa cicitika; busiku butobel, mbaabo we kujokela ncobeni alubo. Lunyungu lwa Abrahamu? I lusyomo taluko. Ceelede kubako, pele tacili ncico. Cindi wa . . .

¹⁶⁰ Leza wakaambilia Abrahamu lomwe, nkabela myaka ili makumi obilo ayosanwe wa ka ulangila. Takukwe makani obo mbo cili kulaale, Nda konzya kumumvwa kaamba kuli Sarah, “Koya kokuya, uli myaka ili makumi ali cisambomwe ayosanwe yakukomena. Koya kaule tubbusu twa kkoton, akujana mapini akupanga tusookesi. Tu yooba a muvwanda.”

“Mbobuti mbozi kuti uyooba a ncico?”

“Leza wakaamba boobo.” Elyo eco caka cibamba.

¹⁶¹ I citaanzi, mwabona, waa kali kutandila myaka ili makumi obilo yakainda yakuya ku mweezi. Wa kapona a nguwe kuzwa nakali kutandila myaka ili kkumi acisambomwe yakukomena, mbuli mwaalumi mukubusyi. Tii cakabamba lwandaano luli loonse; tii caka langa kuli eco; tii cakalanganya eco. Wa kalanganya eco Leza nca kaamba. Kalyandaanya mwini kuzwa ku kutasyoma koonse, kazwa kuya mu nkanda.

¹⁶² Eelyo nde penzi sunu. Yebo uyanda kulibamba lwako a kabunga ka kutasyoma, mibusena bwa kulyandaanya lwako kuzwa ku zintu zya nyika; uyanda kubona mbo konzya kuba munsi kweenda kumamanino a cibi. Bona kulamfu nko konzya kutantamuka kuzwa kuli ncico.

¹⁶³ Pele mbaaba mbo bakabede. I mazuba mataanzi ali makumi otatwe na mazuba ali makumi obilo alusele ainda. Bbunga lisangene lino, alimwi nywebo nobapati mulizi eco Nce kanana. “Sarah, oyandwa, mbobuti mbo limvwa?”

“Kwiina lwandaano noluceya, Abrahamu.”

“Bulemu kuli Leza, tuyo mutambula, nekuba.”

“Mbobuti mbo ziba?”

“Leza wakaamba boobo.”

¹⁶⁴ Myaka ili kkumi yakainda. “Kobamba tupini katubikkidwe alya, a toonse tubbusu twa kkotoni.”

¹⁶⁵ Bamwi beenzinyina bakwe bakasika kwinda kuli, “Abrahamu, taata wa masi, mbangaye bana mbo jisi?”

¹⁶⁶ “Bulemu kuli Leza! Ku ciindi eci, peepe, pele Ndiyo oba ambabo.”

“Buti, yebo? Baa, uli myaka ili makumi ali fuka yakukomena.”

¹⁶⁷ “Ta cibambi lwandaano noluceya. Ayooba maleele mapati maningi lino kwiinda mbwa kabede ikuti na cakacitika kaindi okuya myaka ili makumi obilo yainda.”

¹⁶⁸ Pele, sunu, “Nda kakombelwa masiku ainda. Nse limvwi kabotu loko sunu.” Lunyungu lwa Abrahamu?

¹⁶⁹ Ino ndipenzi nzi? Wa samununwa. Milambi yako ya mbungano nkoicili; kabunga kako nkalemu mbuli ka Methodisti na ka Baptisti. Uli mukuyaka ku musela oyu ciindi coonse, pele luli kuli olo lusyomo lwini? Oh, mula kamba maanza anu, mula ongolola a kwiimba nyimbo, a kuzyana. Ma, Nda kabona eco kacicitika mu miswaangano ya madokotela manji, bang’anga, kuba bona kabakamba maanza abo, a kukanana mu myaambo, kupandulula, a kusotauka mujulu ansi. Taata Sibuleza ujisi cintu nciconya. Eco tacili Nce kanana.

¹⁷⁰ Nda ambaula kujatikizya lusyomo lwini olo lukonzya kuyubununa cisyomezyo ca Leza, a kwiima awo a kucibamba kupona, cintu ca Lugwalo.

¹⁷¹ I bana Mohammedi, Nda kababona kabawida mu kagwagwa a koongolola, “Allah, Allah, Allah,” kusikila baka tweluka kapati... Mebo a Billy Paul twa kaima awo a kubona muntu kabweza cceba a kuliuma kunsi lya moyo wakwe, elyo dokotela wakatila maanzi ku lubazu *olu* a kuzwa ku lubazu lumbi. Ku mubona kubweza ii—ii kabeela, akutenda ku kainzya mu milomo yakwe akwiinda mu mpemo zyakwe, nkanela akwlo taakwe dosi lizwa lya bulowa. Kweendelezya tupulanga kunsi lya mala aku tunwe twakwe, kaongolola kuti, “Allah, Allah, Allah! Allah, Allah Allah! Allah, Allah” mbuli obo. Muna Mohammedi, a kusampaula miyeeyo ya Jesu Kristo. Ta kajisi Muuya Uusalala. Peepe, peepe, pele wa kajisi kulimvwa. Mbo mbubo. Tuli...

¹⁷² Bunakristo tabuli kulimvwa ncobeni. Buhedeni inga bwaleta kunji buyo kwa Iwiyo lwa kulilemeka kwa mizeezo mbuli—mbuli—mbuli Bunakristo mbo bukonzya; pele obo tabuli Bwini. Tu yanda Bwini. Kristo Mbwini.

¹⁷³ Ino tu cite nzi? Twa kalibamba tobeni kutegwa twiime mbuli Samusoni, lino, mbuli mbwa kaima alya kayeeya obo mbwa kali kukonzya kuba. Ndi yeeya kuti, sunu, mbungano yeelede kwiima a kuyeeya a ndime, maminiti masyoonto, obo mbo twa kali kukonzya kuba ikuti na ezi zintu tii zyaka cita ceeci. Obo mbo twa kali kukonzya kuba!

¹⁷⁴ Mpawo caboola ku mizeezo yakwe, cintucimwi caboola. Ndi syoma kuti Leza waka cicitia. Oh, ikuti na inga cacitika buyo mu bbuwa eli lya zivuka! “Kuli kukonzeka.” Kuli kukonzeka. Leza ula jatila. Kuli kukonzeka.

¹⁷⁵ Ta tujisi ciindi cilamfu ca kukkala awa. Ciindi cesu ciya bumana. I luvwaano lwa mambungano lutola cisi. Ciyo kamantana a Bunakatolika. Tu jisi muntu omuya mbubonya buyo.

¹⁷⁶ Ni Ndali jisi ciindi caku njila muli ncico, ku mutondezya kuti eci cisi cili mbubonya mbuli Israyeli. Ba kaboola mu nyika nyenzu, baka tanda basikukkala, a kukona nyika. Nce ncico nco twa kacita. Israyeli, ba kajisi muntu mutaanzi, muntu mulemu, bantu bali boobo mbuli Joshua, baalumi bali boobo mbuli Davida, mbuli Solomoni; pele kumalekelo mpaawo kwa kaboola muntu aa i—aa mwaami, Ahabu, muzangi. Twa kajisi muntu mulemu, Washington, Lincoln; pele lino ncinzi ncoba kacita? I cintu nciconya nco twa boolela okuno ku lwaanguluko, wa cibikka mu Ng’anda Iituba, nkaambo muyeeya kunji kwa tunzenyu twanu kwiinda mbo mucita kujatikizya Kristo. Mbombubo ncobeni.

¹⁷⁷ Elyo amuyeee, mu ciindi eco, bakutausi boonse bakapa mukati. Jezebele wakali musololi. Amuswiilile, Ahabu mwini wakali mulombwana muboto loko, pele Jezebele wakali nsingo kunze lya mutwe. Waa kali umwi waka cicitia. Waa kali muzangi. Nse jisi cintu cakulwana muntu oyo, mbuli muleli wacisi,

pele nciyanza eco ca Jezebele cili kunze lya ncico. Sa tamu konzyi kubona, aba bamapoopu a zintu kaziboola mukati lino, umwi ubuka oyo “tazi Josefa.” Elyo cintu citaanzi mulizi, tuli mpoonya lino kulomba mbungano ya Protestant ku kubeleka anjiyo, akamwi kabunga kayo unka moonya mu nsangano zya mambunagano, elyo mpaawa waccegwa.

¹⁷⁸ Tu ponena ku mali aa mitelo ayo abbadelwa mu myaka ili makumi one kuzwa sunu. I cisi canyongana. Ino cili aali? Nguni uujisi mali? Ta tujisi pe. Mabboonsi amali esu—esu akaloba taali mabotu. Twe elede kuba a ngolide. Nguni ujisi? I mbungano ya Katolika. Ino bayu kucita nzi? Aba bantu bakondola mawisiki a abaaba bonse batapi bajisi zintu a bajisi zyakusambala kabatana sola kuzileka, bayu kusambala ncobeni, a mbungano iyakupa malooni amali ku cisi. Elyo eco neco ciyo cita, ciyo sambala bupati bwaco cigaminina moonya mu Bunakatolika. Mpawo neinzi ncoya kucita? Eyo ni ngolide ya inyika, balo aba Juda, alimwi eco ncipangano eco nea panga a Israyeli.

¹⁷⁹ Mwabona, nywebo nobabali ba Bbaibbele inga mwayiisya eco mu mbungano yanu. Nywebo mwabona, Ndi mutondezya buyo kuti Nda syoma cintu nciconya.

¹⁸⁰ Eyo nje nzila mbo ciyo citika, alimwi tuli ejiszi mpoonya awo lino. Elyo mpaawa mpo tubede, kabunga, a caando ca munyama ali ndiswe, mbubonya buyo mbuli munyama mutaanzi; cinkozya kuli ncico, nsangano ya mambungano, kusangana nguzu. Elyo baka panga cinkozya ku cinyama, eco nea kali kukonzya kukanana, nkabela caka cita cintu nciconya munyama mutaanzi nea kacita kumbele lya ncico. Moonya mu makkrachi esu! Oh, nobana!

¹⁸¹ (Ino nciindi nzi?) “Sa kuli kukonzeka?” Samusoni wakaima awo a kwaamba... (Ino nciindi nzi?) Buyo... “Sa kuli kukonzeka?” Samusoni wakayeeya, “Oyo Leza mupati! Ngu ulikokoone. Ngu Leza uteeli. Nda bona bulubizi bwangu. Ndiyo empwa.” Elyo wa koompolola.

¹⁸² Kuli kukonzeka kuti inga twa cita cintu nciconya. Balo ba buzuba obo... Sunu taba boni cilengaano, mbuli Samusoni. Ikuti na twa konzya buyo kubona cilengaano ca kukonzeka! Kutalika mpoonya awa, ndyoonya lino. Ii kukonzeka, mwabona.

¹⁸³ Bala kkala cakujata maningi, a kukamba maanza abo, a kugambwa obo mbo ciya kuba. Uyo ziba buzubabumwi, uyo yutuka mamanino masyoonto aa mweembo, mwabona, ciindi eco. Kuba akubungana kupati, a kubalamu, zintu zyanyika, “Oh, tu yeeya kuti, ee, mulizi cintu na? Tu jisi mamembala manji kwiinda nge twa kasola kuba awo. Elyo inga twa yaka mabbilioni aa madollar aa mayake, kujana mali manji kwiinda nge twa kasola kuba ayo, mambungano mabotu ndiza kwiinda bamwi ba Protestant na bamwi bambi mbo bajisi. Oh, muntu!

Lwiiyo lwaatala; ee, tula tola bana besu ku cikolo, a kuyaka maseminari mapya kuli mbabo kunjila.”

¹⁸⁴ Andi mwaambile ndyoonya lino. Ii muntu ujisi lwiiyo, kakutakwe Muuya Uusalala, ula litola mwini, ziimo zyoonse ulasika, kulaale kuzwa kuli Leza. Mbo mbubo. Yebo wati, “Ndi jisi Bbacela ya Arti.” Mpawo uli kulaale aniini kwiinda mbo kabede. Kupasaaula ka—ka atomu, akuta mvwisya tuvu lya bwizu balo tabazyi cintu cili coonse kuli ndilyo. Mwa kamvwa kaambyo kakaindi, “Bafubafuba bayo enda kaba samide mabbusu ajisi mpikili ku tusindi, awo Baangelo mpo bayoowa kulyata.” Mbo mbubo, lwiiyo lwaatala, pele talu leti Muuya. Ta ci leti milimo a Buumi bwa Jesu Kristo.

¹⁸⁵ I penzi lya ncico, mbungano sunu taili mbuli Samusoni. Taba libambilide kubbadele muulo. Samusoni wakakomba ncobeni cindi na kakomba, “Mwami, ndilekele kufwa a sinkondo.” Wa kalizi kuti cakali kuyo mutolela cintucimwi. Wa kalizi kuti cakali kuyo tolela cintucimwi. Ciyo kutolela cintucimwi, ciyo nditolela cintucimwi; lulemeko lwako lwabuleya, busena bwako a busena mu kabungwe. “Mwami, ndilekele kufwa, mpawo. Nda bona bukanze Bwako.” Wa kalizi kuti cakali kuyo mutolela cintucimwi. We elede kulibambilide kufwa, kuli sinkondo nyokwe, kusika mu zilongezyo zya Leza. Samsoni wakali libambilide kubbadele muulo, kuti ajane nguzu zya Leza alimwi aali nguwe. Wa kali libambilide kucicita. Sa mulacita?

¹⁸⁶ Sa uli libambilide kutuula mabambe ako aa zipekupeku? Elyo, nywebo mulizi, cakali kunga cili lubide kuli ndiswe kuya ku zipekupeku. Pele lino dyabulosi wakabikka omwe aali ndinywe, waka cileta moonya mu ng’anda a ndinywe. Mbo mbubo. Mwabona?

¹⁸⁷ Nda kali kunga ndiselemukila ku mukambausi mudaala muna Methodisti, wakali kunga ulaimba lwimbo:

Twa kalosezya ansi micinjili, twa kalosezya
ansi micinjili,

Twa kalimvwanya a cibi.

Twa kalosezya ansi micinjili, mbelele
zyakazwa

Pele mbobuti mpongo mbo zyaka njila?

Mwa kalosezya ansi micinjili, kwa mana.

¹⁸⁸ Oh, Nda mvwa umwi kaamba, “Lino lindila aniini, Mukwesu Branham, tu jisi lubukulusyo!” Inzya, ino ncinzi? I lubukulusyo lwa kabungwe. Mbo mbubo. Amulange kulilemeka kwanu a kwiimpana kwanu. Sa ndubukulusyo? Sa kuli ciindi cakupasuka? Sa kuli ciindi bantu boonse noba konzya kubeleka antoomwe a kuba a luswaanano? Ikuti na kabunga kako kali muli nkako, “kali kabotu.” Kuya kulaale kuzwa ku Ijwi ciindi coonse, mbo mbubo, kubamba mabbishopo mapya a zintuzyonse. Mwabona?

¹⁸⁹ Samsoni wakalizi kuti ciimo cakwe cakuwa tii cakali kukonzya kuleta nguzu zya kuzundikizya kwa oora.

¹⁹⁰ Baalumi a banakazi, bakwesu a bacizi bangu, anda ambe ceeci. I mbungano, mu ciimo cayo calino cakabungwe, konzyi kuleta nguzu zya kuzundikizya ciindi, ku ciita kuti ciindi. Baalumi a banakazi bayanda Leza, myoyo iisyomeka. Elyo inga mwasiya i—i babumwi a kuya ku babubili, inga mwasiya babubili akuunka mu butatu, elyo inga wacita zyoonse *ezi, eco, na cimbi*; ukwela buyo pepa, na—na kubalika canguzu ku kutola lusyomo, na kulilemeka mbuli Mbwe tazi cintu, kana kaniini. Mbo mbubo. To cimvwisyi mbuli booboo. Nguzu zyesu zyakawa, ta cikonzyi kuswaana kuzundikizigwa kwa oora eli. I tubungwe tatu katoli kusimpikizigwa kwa Ijwi.

¹⁹¹ Cindi, Jesu Kristo, mbuli Mbwe kasola ku mwaambila masiku ainda, kasyomezya ceeci mu mazuba aakumamanino. Wa kasyomezya kuba ancico awa. Alimwi mulizi eco, kwiinda ku Bbaibbele. Elyo kwa myaka ili kkumi ayosanwe, koonse akoonse ku cisi, nkabela baya bwiindila kubija ciindi coonse. Mbo mbubo. Mwabona, taba ciyandi.

¹⁹² Ba lati, “Ee, lino, ula beleka antomwe a bumwi.” Na, “Ula beleka a triniti. Ula cita *ceeci, ceeco, na cimbi*.” Tu swaangana a Kristo, kumasena mu kabunga akamwi, kusola . . .

¹⁹³ Pele Leza ulabona kuli *ceeco*, kuti bala Ci bona. Elyo basyomi beni bali mbuli sibwaamu muniini, masiku ainda; mbo Lya kamweka buyo ku kazila kakwe, nkabela mbuto eyo ya Buumi kaikkede awo, waa ka Li syoma. Oko kwakali konse, wa kauma mulilo ndyoonya lino. Cindi nikwakali zyuulu zyakaimvvi alya, ka Ufubaazya, pele kutali nguwe. Waa kalizi kuti oyo wakali Mesiya. Waa kalizi kuti eco cakali cisyomezyo, cakuti, cindi Na kasika, Uyo cita *ceeco*.

¹⁹⁴ Ndalibuzya, ikuti ni twa kalizi biyo cintu nciconya! Sena twa kavungailwa loko mu kabunga kesu, tula kasigwa akwalo ku Li langa? Ndalibuzya ikuti na mwalanga ku i—i ma magazini a zifoto, a busofwi bwakaindi bwa nyika, mubusena bwa kubala Bbaibbele lyako mbuli mboelede kuba? “Muntu taka poneni ku cinkwa cilikke, pele ku Ijwi lyoonse eelyo lizwa ku mulomo wa Leza.”

¹⁹⁵ Bana besu, balombe besu, baba cikama caba Ricky aba Ricketta baniini, nywebo mulizi kuti cili luleme, cikama ca basilkulisungilizya bakali a zintuzyonse mbuli ezyo. Elyo awo mpo mujana mulombe muna Pentekoste? A musako wakwe upya, mu kagwagwa. Nko kuli nkojana mucizi? Kunselelo ku kantiini abusena bumwi, kazya cizyano cakulyuumba buniini. Nkokuli nko jana bataata a baama? Bataata, kumasena kabasobana goofu, na kubusena bumwi mbuli obo, a baama kumasena mu parti ya kusuma a mapatani a cisangabalilo cimwi nkwa zulilwa, na cintucimwi. Kakuli, weeledge kuba muunzi kubunganisigwa

antoomwe kensi lya busololi bwa Muuya Uusalala, a Bbaibbele kujoka alubo. Mpaawo mpo twa swenzuka. Kutali kukazya, pele ku kuzungaanya buyo anini, mwabona, kuti myuo mvwisya.

¹⁹⁶ Ciindi coonse, alimwi (oh, Nde elede kujala) ba Filisiti tiiba kaziba eco cakali kucitika. Kwakali cintucimwi cakali kucitika, nkaambo cintucimwi cakatalika kweenda mu moyo wa Samusoni, “Kwakali kukonzeka,” mwabona. Wa kalimvwa kujokela kubona ikuti na caka ciliko.

¹⁹⁷ Banakazi bamwi bajisi ciindi ciyumu lino, mukuziba kuti cakeelede kuba ancico. Pele amubone ikuti na cisyomezyo Cakwe nko cicili, kubona ikuti na Wa kacibamba... Amumvwe buyo kusule a kubona ikuti na Tali mbobuca nguwenya, sunu, amuya myaaka.

¹⁹⁸ Wa kacimvwa. Wa kalizi kuti kwakali cintucimwi. Wa kanusya mutwe wakwe. Ta kajisi meso. Tii bakabona misozi kaiseluka kuzwa ku mankolyo aatakwe cintu, oko magilandi nkwa kali kulosya misozi. Mutwe wakwe mujulu, milomo yakwe ka yeenda bucebuce, misozi kaiwa kuzwa ku mankolyo aka ofwaazigwa. Wa kali kweempwa. Wa kalizi kuti Jehova ucipona. Nekubakuti waka lubizya, wa kalizi kuti Wa kacili Leza. I misozi kailoka kuzwa ku masaya akwe, mbuli mbwa kaima awo. I ba Filisiti bakali koledwe loko kubona ceeco.

¹⁹⁹ Ikuti na mamembala ambungano yako, balongwe bako mu mbungano taba ciboni, kozumanana buyo kupaila. Wa kali kuyanda kubona, ciindi cimwi cimbi, Ijwi lya Leza lyaka yubululwa kumbele lya nkamu eyo, iikoledwe iya bahedeni, batasyomi. Ikuti na oko nkufwa nzala ya mbungano sunu, kubona ciindi cimbi, lubukulusyo lwa ciyanza cakale, lwakatumwa aa Leza, kuzwa ku cikambaukilo kulaale kuli sikulanga mayake, kusalazya kwa ciyanza cakaindi, lubukulusyo lwa ciyanza cakale a nguzu zya Leza, ii—ii Makanimabotu asalazya muntu kwiinda mukati aanze; mululi wa ntoboloya mululi kiitonkomene, ya ciyanza cakaindi, mbuli kaindi mu zisaka, bukombi bwa bbulu mbuli mulengalenga, ujaya cibi, bukombi obo bugusya Hollywood yoonse kuzwa kuli ndinywe, abo babikkila maanu.

²⁰⁰ Ngooyo mbwa kabede, kakomba. Kutali kabungwe kapya lino, kansiyansiya kapya; pele kusimpikizigwa kwa Ijwi. “Mwami, Wa kali ali ndime ciindi cimwi, Wa kandipa nsana lomwe. Ikuti ni Nda jisi buyo nguzu ezyo! Ndi jisi milambi, pele bali kompeme.”

²⁰¹ Tuli jisi mamembala, pele bali kompeme. Bala ziyanda zintu zya inyika kabotu kwiinda mbo bacita zintu... Yebo watì Ndime koonse... Oh? Amulange ku mambungano a kuziba. Muta soli ku cikaka. Micito yanu ila kanana kunji kwiinda majwi anu mbwacita, mwabona. Oh, inzya, jisi mamembala manji, milambi mipati loko, pele zili kuli nguzu zya Mwami? Milambi yako

mipati taika swaani kuzundikizigwa kwa oora eli, lusyomo lwa kukwempwa kugusya Mbungano kuzwa ku cintu eci lubeta kalutana kuuma nyika.

²⁰² Elyo lubeta luli afwaafwi kuuma. Njo amba, mbuli mweenzuma Jack Moore mbwa kaamba; ikuti na Leza walekela America kuta subulwa ku zintu nzoili mukucita eno, Uyo sinikizigwa kulilemeka kabotu kubusya Sodoma a Gomora a kuli lekelela kuli njiyo, nkambo ka kwiiumpa. Mbubo! Lubeta lutobela.

²⁰³ Leza, kogwisya nyika yoonse kuzwa kuli ndime. Kondipa lusyomo, O Mwami, ku Kukwempwa. Nkambo, kuyooba bobilo mu bulo, nkabela omwe uyo tolwa, omwe uyo syaala. Bobilo bayooba mu i—mu cuuno ca mootokala, nkabela umwi uyo tolwa nkabela umwi umbi uyo syaala. Ciyo citika mu kaindi kaniini.

Yebo wati, “Mukwesu Branham, ino ciyooba buti?”

²⁰⁴ Inga wajana eci butongo. (Ikuti na cili kabotu ku caamba?) [Ii mukwesu waamba, “Kozumanana a ku caamba, mukwesu.”—Mul.] Andi losye cintucimwi ciniini awa. Buzuba bumwi moyo ziba!

²⁰⁵ Uyo amba awo, “Oh, Nda kayiisigwa kuti kuli *ceeci, ceeco, a cimbi*, ciyo citika Mwami katana boola. Kuyooba mwaakwe mupati wa mapenzi, nkabela tuyu inda muli nguwo.” Mwabona? Mwabona?

²⁰⁶ Nywebo mulizi, ciindi cimwi Jesu wakabuzigwa mubuzyo. Wa kati, “Nkaambonzi balembi baamba kuti Eliasi weelede kuboola lutaanzi?”

²⁰⁷ Elyo Jesu wakati, “Nda mwaambila, wa kasika kale, nkabela tii mwa ka ciziba.”

²⁰⁸ Bumwi bwa mazuba aya moyo amba, “Ee, Nda kayeeya kuti Mbungano yakali kuyo, kacita *ceeci, ceeco, a cimbi*. Nda kayeeya kuti kuyooba Kukwempwa. Nda kayeeya . . .”

²⁰⁹ M wayeeya, kaya kuba kaziye kakutolwa. Ikuti na Wa kabweza comwe awa mu Tusensa Tupya, a cimwi kubusena bumwi bumbi, a cimwi kunselelo okuya, a cimwi okuya, uyo panga mamillioni eni abaabo bakazwa mu bulongo. Elyo kuli bantu batandila ku myaanda yosanwe, buzuba abuzuba, bakaimpya mu inyika, nkabela ta tuzi akwalo oko nko bakaunka. Mwabona, Kukwempwa kuyo bamba boonse abo boona mu bulongo bwa nyika, mbo mbubo kuli Leza.

Bayo amba, “Ee, Nda kayeeya kuti Kukwempwa kwa keelede kucitika.”

“Ca kainda kale, nkabela tii mwa kaciziba. Wa kasyaala.” Mwabona?

“Ee, zintuzyonse zyeenda . . .” Iiyi, munene.

²¹⁰ Kwalo Nkuboola kwa kaziye, Kukwempwa mbo kubede, kuboola ku kaziizi. Mbuli bbuku eelyo Nde kabala ciindi eco (cakali cinzi), Juliet a Romeo. Wa kasika ku ciindi camasiku, cindi bantu niba kali koona muli zyanyika, a mbungano zyonse muli zyanyika. Elyo mpoonya biyo, koompolola kwasika, elyo mpawo bakainka.

²¹¹ Amuswiilile, mwa kamvwa kunji loko mu Bantu Basimakwebo Banakristo, Bantu ba Makanimabotu Aazwide, kabaamba, “Oh, nywebo mulizi, Muf. Taata Uusalala *Niini-a-niini!* I ba Presbyteria bali mukatalika kutambula Muuya Uusalala. I bana Lutherani batalika kutambula Muuya Uusalala.”

²¹² Nywebo no cikama ca bantu bakoona! Sena tamuzi Jesu wakati, “Cindi oyo nakalindu woona nakasika kuula Mafuta, cakali ciindi eco nciconya Sibwinga nakasika, nkabela waa kanjila”? Amuyeeye, tiiba ka Ci mvwa! Sa mbo mbubo? Mbuli Booth-Clibborn mbwa kaamba, “Huh?” Uh-huh. Inga bacita, kainda mu kulimvwa kumwi, pele tiiba ka Ci mvwa ncobeni. Cindi niba kasika kuula Mafuta, ciindi cakali manide.

²¹³ Elyo mbaaba lino, ba Presbyteria, ba Lutherani; amulange ku *Jwi* lya Bantu Basimakwebo Bamakanimabotu Aazwide, a nkamu eyo ya bazukulu ba Pentekoste a bakwesu aba batubungwe, kabayeeya kuti eco ncintucimwi cipati. Inga mwalomba buzuba bumwi, “Ee, Nda kayeeya *ceeci*.”

²¹⁴ “Ca kainda kale, nkabela tii mwa kaciziba.” Andi ime awo, nkaambo Nse—Nseli waano kukambauka njisyo.

²¹⁵ Pele, ciimo cakukonzya! Muta bwezi coolwe eco. Obu mbuzuba. Eli nde oora. Kuli kukonzeka ndyoonya lino, ndiza kutali aa faivi okuloko. Kuli kukonzeka. “Mwami, Ndi lizi kuti Nduwe Leza. Ndi lizi Mbo bede. Ndili tantamukide kuli Nduwe. Pele Ndi lizi kuti aba milambi yangu yaka luma lomwe a nguzu zya Leza. Ndi lizi zintu Nze mamela sunu, Nda taminina kuba wa Pentekoste;” banakazi, “Nda gela masusu aangu;” mwaalumi, “Nda cita *ceeci*, *ceeco*, na *cimbi*.”

²¹⁶ Elyo nywebo no baalumi nomuyo lekela bamakaintu banu kusama tubbudula a kucita zintu ezyo, elyo mpawo kuliita lwako kuti mwana wa Leza, mause kuli nduwe.

²¹⁷ Nda kainka ku mbungano imwi mpati yakabungwe, kutali ciindi cilamfu caina, ku i . . . Ba kajisi muswaangano, elyo Nda kaunka kuyo baswaya. Elyo mweembeli waka nditola kubusena, nkabela wa kali kuyo ndizibya ku mukaintu wakwe. Waa kali sikulizya piyaano. Elyo mwanakazi oyo waka samide dressi lijata maningi cakuti lukanda lwakali kutandila aanze. Waa kali pangide, a kusama misyobo yoonse ya zintu mu matwi akwe.

²¹⁸ Elyo Nda kati, “Mukwesu, sena waamba kwaamba kuti mukaintu wako—wako musalali?”

Kati, "Iiyi, munene."

²¹⁹ Nda kati, "Walo ulibonya kuti talo boobo." Nda kati, "Nsena bwene cili boobo mu zina lya Pentekoste a busalali!"

²²⁰ Oh, mukwesu, tu yandikana kusalazywa kwa ng'anda, kuzwa ku cikambaukilo kusika ku kaanda kaansi. Elyo bumwi bwa mazuba aya... Yebo wati, "Ndili muna Pentekoste." Eco ta caambi kwinda kuba ngulube, kuli Leza. Eco tacikwe cintu cakucita a Kristo. Eelyo ndi zina buyo. We elede kuba muna Pentekoste mu moyo wako, micelo ya Muuya. Amubone. Oh, ma!

²²¹ Wa kalizi eco cakali kuyo citika ikuti na Leza wakaingula mupailo wakwe.

²²² Sa mulizi? Sa mulizi kuti kabunga ako kayo kutanda? Sena mulamvwinsya kuti mwiinka moonya mu nsanganao ya mambungano, azintu nzyo maya mubungila ncobeni? Sena mula mvwisya eco nco ciyo mutolela? Nywebo mulizi balo banakazi mbo mucita makkadi ayooyo mwiita kuti "ciyanza cakaindi" a musyobo oyo oonse wa zintu? Nkaambo toka lekeli bana bako kusama tubbudula, alimwi ucita zintu ezi, ulizi eco nco ciyo kutolela? Ncibotu wa cibala kotana talika, wabona. Ncibotu wa ciyeeya. Inzya. Ncibotu—ncibotu wa cibandika kumanizya a Leza, lutaanzi, kotana bamba kutalika.

²²³ Wa kalizi, ikuti na mupailo wakwe waka vwiilwa; pele wa kali libambilide, nkabela wa kali sinizizye.

²²⁴ Ikuti na mbungano yakonzya biyo kunjila mu ciimo eco! Ikuti na uli libambilide ndyoonya lino, ikuti na ulisinizizye, ikuti na waamba mulimo ncobeni, ikuti na meso anu ali jukide kuli ceeeo Nce sola ku mwaambila mu nzila ya kweenguluka! Ikuti na ulisinizizye, mpawo koamba, "Mwami, Ta ndikwe makani mbo cibede, Ndili libambilide. Nda bona citondezyo. Ndi lizi kuti camana kale ciindi kwiinda mbo tuyeeya. Ngu ciindi caku boola."

²²⁵ Mpawo Samusoni wakoompolola, "Mwami, ba kasyonka meso angu. Ndi lizi kuti Nduwe Leza. Ndi lizi kuti Uli jisi nguzu zya kucicita. Ndi lizi inga Wa ndaangulula kuzwa ku zyaanzyo ezi. Acimbi ciindi, Mwami, acimbi buyo ciindi!"

²²⁶ Acimbi ciindi, Mwami, acimbi buyo ciindi! A kube muswaangano wa zivuka ku lubazu lwa cilundu, mbuli mbo kwakali aa cilundu ku ng'anda ya mujulu, a kube kulila kuzwa ku Julu, mbuli guwo pati lyuungisya, kozuzya ng'anda yoonse, bumboni bulibonya bwa Kristo wakabuka.

²²⁷ "Acimbi ciindi, Mwami, acimbi buyo ciindi," wa kalila. Mbuli mbwa koompolola, mu kusinizya, kaimvwi alya, a meso akwe akofweede. "Ndi lizi muulo, Mwami, pele ciindi comwe buyo cimbi!"

²²⁸ I Leza ulaingula mupailo. Wa kamvwa tambo kazijata. Milambi yakwe yakatalika kujatilila. Nguzu zyakwe zyaku

kuulu zyakatalika kujoka. Wa kati ku mulombe muniini, “Kondi solelola ku cikunguzyo lino.”

²²⁹ “Kondi solelola, Mwami, kondi solelola. Kondi solelola ku cikunguzyo, ku Kalivari. Ndisolelola ku cikunguzyo awo Mpe konzya kubambulwa, mane buumi bwangu bwanyika bwakaindi bwafwa awa, a koonse Mbwe bede. Kondi solelola ku cikunguzyo, Mwami.”

²³⁰ Cindi na katalika kulimvwa yalo milambi ilajata maningi ku nguzu zya Leza, ta keelede kubona eco cakali kucitika, wa kalimvwa eco cakali kucitika. Wa katalika kunyona makuko akwe, alimwi, cindi na kacita, kusselelo lya buyake. Buzuba obo, wa kazunda, wa kajaya ba Filisiti banji kwiinda mbwa kacita mazuba oonse aa buumi bwakwe.

²³¹ Beenzuma, kuli kukonzeka kuti mbungano eyi, mu ciimo eci... Lino Ndi jisi mapeegi atandila kuli otatwe na one aa bulembu awo, Ndiyo lekela kuunka. Kuli kukonzeka. Kuli kukonzeka mpoonya awa mu muswaangano wa cilabba eci. Kuli kukonzeka mpoonya awa ku oora eli. Kuli kukonzeka, ikuti na tuli libambilide kubbadela muulo, inga twa bona Incito 2 kucitika.

²³² “Acimbi ciindi, Mwami! Twa kacinyonganya. Twa kabunganya. Twa kanyonganya bunyina bwesu. Twa pambula luswaanano lwesu. Twa kabweza nkamu niini abusena *awa*. Tuli mukwanan umwi aumwi, nkabela dyabulosi uumwine buyo, ka tweebelezya kuuma umwi aumwi ansi. Mwami, sa cila konzeka kuti ciindi cimbi kuti toonse tuli mwaanda a makumi obilo inga twaba mu kuzuminana komwe mu busena bomwe? Sa cila konzeka kuti mpaawo kwakasika coongo kuzwa ku Julu, mbuli guwo lyuungisya canguzu? Alubo, Mwami, ciindi comwe cimbi!”

²³³ Atwi imikile ku matende esu, a kwaamba, “Acimbi ciindi, Mwami! Acimbi ciindi, Mwami!”

²³⁴ O Mwami Leza, kondi swiilila, Mwami. Acimbi ciindi, Mwami! Ciindi comwe cimbi kotuma Muuya aa muswaangano oyu wa zivuka, mu nguzu a bulemu! 

63-0628M O Mwami, Acimbi Buyo Ciindi
keep as it isi
Hot Springs, Arkansas U.S.A.

CHITONGA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubellesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa mucimo cipati, kubikwa aa webbusaiti, kuyobelwa mu ciyanza cakujokolosya, kusandululwa mu misyobo iimbi, na kubellesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org